

## Bebaatíbè Di mpátiri to tui náànti

De kó dipátiri ti náá mbebaatíbè tepíítè nè bèdébè nè onitipòkù omáà Kuyie ndo tãnkíí bè kè bè bo ndeeri Isidayeeri be nè be dootitabè. Bemou memme be kòò màù í nna ké bè niité Sosuwee do bè nimè. De kó bebaatíbè kó mefiè mmieke kè Isidayeeri be nyetiri Kuyie nkpeti ke tũũ Kannahãã tenkè kabe kó yebokè, kè Kuyie nníí bè poté, kè bée ceete kéwēteni Kuyie mborè, kè kuu bè cǐé nkéwēte ké bè còhné be fòtiri.

De kó dipátiri náànti náá nke kónni mēè botí, bá wèè baatíwè nè o kó meborime do dòmmè.

*Dipátiri náànti duó ke dòmmè*

1. Isidayeeri be tamè Kannahãã kénto kétuakenè Sosuwee kó mukũũ 1:1-2:10
2. Kuyie ndo ãnnémè bebaatíbè kè bée deeté Isidayeeri be 2:11-16:31
3. Dikankònni dii do tanní Isidayeeri be cuokè 17-21

*Isidayeeri be kàrimè Kuyie ndo yē nkù yóó bè duó ndii èi*

<sup>1</sup> Sosuwee ku dii mōnni kè Isidayeeri be beke ti Yiè nKuyie nke bo yà be mieke bèè yóó keté kékote kédokénè Kannahãã kabe.

<sup>2</sup> Kè ti Yiè nKuyie mbè tēnné ke dò: Sudaa botí kabe bèè dò nkéketé kékote. M bè duómmu dihei.

<sup>3</sup> Kè Sudaa botí kabe náké Simmeõõ Sudaa kóo kóti yaabí ke dò: Kòtēnní kè tí wēnné kédokénè

Kannahã kɔ̀bɛ, kɛ́fietɛ dihɛ̀i bè ti duó ndi. Kè ti deè ti múnkɛɛ di nɛ̀inɛ̀ kè tí fietɛ di kperi.

Kè Simmɛ̀ɔ̀ɔ̀ boti kɔ̀bɛɛ íté kɛ̀wɛ̀nnénɛ̀ Sudaa boti kɔ̀bɛ.

<sup>4</sup> Kè bèɛ kɔ̀tɛ kɛ̀ bè do, kè ti Yiè nKuyie mbè teennè kè bèɛ na Kannahã kɔ̀bɛ nè Pedisiibe, kékua benitibè tekupíítè (1000) Beseki borè,

<sup>5</sup> kè bèɛ yà de kó dihɛ̀i kóo kpà̀tì Adoni-Beseki kóò dokénè kɛ̀na Kannahã kɔ̀bɛ nè Pedisiibe.

<sup>6</sup> Kóo coké kè bèɛ ò bɛ̀ti, kóò nìntɛ kɛ̀pí nkékéké o nómɔ̀bɔ̀dakè o nɔ̀u kpɛ̀yɛ nè o naàcèi kpɛ̀yɛ.

<sup>7</sup> Kè Adoni-Beseki bɛ̀i nke dà: Bekpà̀tìbè sipísiyiekè ti do kéké bèè kó yɛ̀nómɔ̀bɔ̀dakè bɛ nɔ̀u kpɛ̀yɛ nè bɛ naàcèi kpɛ̀yɛ, kè bè ní nkou icabiri n yo nkè ìi duò. Kuyie ndɛ nni nyietí yíe.

Kè bèɛ ò kònnè Sedisademmu, ò de nku.

<sup>8</sup> Kè Sudaa boti kɔ̀bɛɛ do Sedisademmu mudoò kécɔ̀ benitibè yese kékua, kécɔ̀u ndihɛ̀i.

<sup>9</sup> De kó difɔ̀nkúò kékɔ̀tɛ kɛ̀do Kannahã kɔ̀bɛ bèè bo Nɛ̀kɛfu nè bèè bo yetà̀rè ìnkè nè bèè bo kubiriku kó yɛ̀hɛ̀kè.

<sup>10</sup> Bè bɛ ndèè kɛ̀do Ebunɔ̀ kɔ̀bɛ bè do yu dii èi nè dimònni kɛ tú Kidiya-Adiba, kékua Sesaii nè Aimanni nè Tadimaii bɛ naàmùnti kɔ̀bɛ.

<sup>11</sup> Kè bèɛ deè bɛmbɛ, kɛ̀sɔ̀ nkédo Debi kɔ̀bɛ, bè do yu de nè dimònni kɛ tú Kidiya-Sefɛɛ.

<sup>12</sup> Kè Kadɛbuu bɛ̀i nke dà: Kè wèè dokénè Kidiya-Sefɛɛ kɔ̀bɛ kɛ bè na kɛ fiète bɛ èi m bo ò duó n kóo sapà̀ nhAkisaa, kóo puokɛ.

<sup>13</sup> Kè Kadɛbu nantè Kenasi bire Otinniyɛɛdi bè dokénè kɛ̀ bè na, kɛ́fietɛ dihɛ̀i, kè Kadɛbuu ò duó nho kóo sapà̀ nkóo puokɛ.

<sup>14</sup> De kóo nitipòkù tù̀koo dii mònni Otinniyɛɛdi borè, kóò nàkɛ̀ kɛ̀ dà wèè mɔ̀o o cice Kadɛbu kupaku.

Kè bèe tuòke Kadebu borè kòo cúténí o sãmmarímú kénínkóo o ìikè kòo ò beke ke dò: A dó ba?

<sup>15</sup> Kòò dò: N kuó mmesémme ké m pã ketenkè menie mbo kè, ke yé menie nyí bomè Nèkefu kó ketenkè a n duó nkè.

Kè Kadebuu ò duó nketenkè kèè màke inéce idaatíyì nè icũmpuyi.

<sup>16</sup> De m̀nni kè M̀yisi c̀kù kó iyaabí Keniibe iténí Sedikoo èi, bè tu di depuonne èi, ke néinè Sudaa botí k̀be kè bèe k̀te Sudaa tenkè, kubiriku k̀be Adadi bakù c̀nku diyìe ỳenì kèè bíkè, kénwènnè Amadesiibe ke bo.

<sup>17</sup> Sudaa nè o k̀be kè bèe íte kéwènnénè o kóo kóti Simmèḡḡ, nè o k̀be kè bèe kpannè Kannahāā k̀be bèè bo Sefaa, ké bè na kékuḡ, k̀p̀nte be èi kédéíté, ké di yu ke dò Didobonni.

<sup>18</sup> De kó dif̀nkùò kè Sudaa naàm̀nkù k̀be yíe k̀fiete Kasaa èi, Asikanḡḡ k̀peri nè Ekunḡḡ k̀peri, nè ye tenkè.

<sup>19</sup> Kè ti Yiè nKuyie nní mbè bonè kè bèe bè na, k̀fiete yet̀rè ìnkè kó yehèkè, bè me nyí nna k̀fiete kubiriku k̀peye, bembè do màke sinaasẽ timátì k̀pesi nsi.

<sup>20</sup> Bè do t̀nne ti Yiè nKuyie ndo nàké tì nti M̀yisi, kéduó nKadebu Ebunḡḡ tempè nkòo beti Anakiibe kó iwuḡ nyit̀ãti ìi do dè bo, k̀kari.

<sup>21</sup> Bensamèe k̀be í nna k̀beti Sebusiibe bèè do bo Sedisadèmmu kè bè wè nke bo nè yienní.

<sup>22</sup> Kè Sosefu bí Efadaimmu nè Manansee yaabí nk̀ri ke bo do Betèedi, kè ti Yiè nKuyie nní mbè bonè.

<sup>23</sup> Kè bèe t̃mbeǹtibè kè bè bo paaté diheì. De m̀nni bè do di yu ke tú Duusi nwe.

24 Kè bèe tuokoo kénsó nhonìti mǎu yènní kè bèe ò nàké ke dò: Tí benke ti bo yĩmè kéta dihei, kè tí da yóu.

25 Kè de kóo nìti bè benke. Mèmmè Efadaimmu nè Manansee be yaabí kùomè de kó dihei kǎbe, kényóu de kóo nìti nè o kǎbe.

26 Kòo kǎte Etiibe tenkè kémaá dihei, ké di yu ke dò Duusi, kè di kpaá tǎ de kó diyètiri nè yíenní.

27 Manansee kǎbe í nna kébeti Bèti-Seanni kǎbe, nè Tanaki kǎbe, nè Dǎǎ kǎbe, nè Ibedeammu kǎbe, nè Mekidoo kǎbe, nè de kó yehékè. Kè Kannahǎǎ kǎbe nkpaá bo de kó kutempè mmièke.

28 Bá nè Isidayeeribe kpenke dii mǎnni bè í nna ké bè bèti, ke né bè pĩnné muheikèntǎmmú.

29 Efadaimmu botí kǎbe í nna kébeti Kannahǎǎ kǎbe bèè do bo Kesee. Kè bè nwě nke bo.

30 Sabunǎǎ kǎbe í nna kébeti Kannahǎǎ kǎbe, bèè do bo Ketinǎǎ nè Naǎǎdi kè bè nwě nke bo, kè bèe bè pĩnné muheikèntǎmmú.

31 Asee botí kǎbe í nna kébeti Akoo nè Sidonni, nè Adabu, nè Akisibu nè Ediba nè Afeki, nè Deǎbu de kǎbe.

32 Mèmmè kè Asee kǎbee wǎnnénè Kannahǎǎ kǎbe bèè do dè bo kè bè nwěnkó. Bè í na mǎè kprí nke bè bèti.

33 Nefutadii kǎbe í nna kébeti Kannahǎǎ kǎbe bèè do bo Bèti-Semesi nè Bèti-Anati kè bè nwě nke bo kè bèe bè pĩnné muheikèntǎmmú.

34 Kè Amǎriibe beti Danni botí kǎbe, ké bè dèe nyetǎrè kó itempè, mbè í nyie nkè bè bo cúténí kubiriku.

35 Mèmmè kè Amǎriibe nkpaá bo Adi-Edesi nè Ayanǎǎ nè Sadibimmu. Kè dè mboní kè Efadaimmu nè Manansee kǎbee be tieke ké bè pĩnné muheikèntǎmmú.

<sup>36</sup> Amərriibe tenkè m̀̀nkε do t̀̀oté Akadabimmu k̀̀ntɔ́ k̀̀yɛ̀nnè Seda k̀̀p̀ɛ̀ɛ̀t́ k̀̀ndɛ̀ɛ̀t̀̀i ditenǹ̀i bè tu dì ináá nkó ditenǹ̀i.

## 2

### *Kuyie nkpannèmè ku nìtìbè*

<sup>1</sup> Kè ti Yiè nKuyie ntōnni ítení Kidikaadi k̀̀tuɔ́kɛní Bokimmu k̀̀náké Isidayɛɛribɛ kɛ d̀̀: Kuyie ntu, kuù di d̀̀nneńí Esibiti, kɛ di t̀̀nı́ kɛ tannè diheì k̀̀ do b́i nképarikè kɛ d̀̀ k̀̀ yóó duó ndi di yembè, k̀̀b́i nke d̀̀ k̀̀ í yóó t̀̀tɛ metaummè m̀̀ɛ̀ bo d́ıńdi nè ku di cuokè.

<sup>2</sup> Di me mm̀̀nke í d̀̀ nkém̀̀ɔ́tɛnè dɛ kó diheì k̀̀bɛ metaummè, dí puɔ́ mbɛ b̀̀ɔ́wṹɔ́t̀̀r̀̀. Di me nyí nyie nku kpeti! Dè d̀̀mmɛ kè di me ndòò?

<sup>3</sup> K̀̀ nɛ di náámmu di mm̀̀nni kɛ tú, k̀̀ t́nke í yóó bɛti Kannahã́ k̀̀bɛ, bè yóó naá ndidũnt̀̀r̀̀i ndi di k̀̀ṕi nkè bɛ b̀̀kè naá ntimátı́ dıńd́ıńtı́ kɛ di b̀̀, kè di f́íe bɛ b̀̀kè.

<sup>4</sup> Ti Yiè nKuyie ntōnni bè ǹ̀kè d̀̀i m̀̀nni dɛ kó tináańt̀̀i k̀̀dɛ̀ɛ̀, kè b̀̀ɛ tiit́ yɛdab̀̀ò mbɛm̀̀u k̀̀nkuò.

<sup>5</sup> Kè b̀̀ɛ yú dɛborè kɛ d̀̀ Bokimmu (d̀̀ɛ̀ tu didab̀̀nk̀̀nni), k̀̀ dè f́íe ti Yiè nKuyie nyiwṹ.

### *Sosuwee kumè*

<sup>6</sup> Kè Sosuwee ɔ́u mbenit̀̀bè kè b̀̀ɛ cíté k̀̀kṹ mbá wè ketenkè bè ò duó nkè k̀̀ nkè tɛ.

<sup>7</sup> Sosuwee kpaá f̀̀u d̀̀i m̀̀nni kè bè ntũ nti Yiè nKuyie. K̀̀o kú kè bè nkpaá kɛ k̀̀ tũ mbekót̀̀bè kpaá f̀̀u d̀̀i m̀̀nni, b̀̀ɛ̀ do yà tidietı́ ti Yiè nKuyie ndòò t̀̀i Isidayɛɛribɛ cuokè.

<sup>8</sup> Kè ti Yiè nKuyie nkóo t̀̀ntı́ Sosuwee Nunni birɛ nyóó kú kɛ m̀̀kɛ yɛbie ntek̀̀ùtè nè tɛpítè (110),

<sup>9</sup> kékú kè bèe ò kũnné Timunati-Edesi, bè do totí kóò duó nkèè tenkè Efadaimmu tempē nyetārè ìnkè, Kaasi tārì kubakù cànku bíékè.

<sup>10</sup> Kè bekótíbè bembè kó kutōnkùu kú, kè kutōnkù pànkùu yènní, bè ténke í nyé ti Yiè nKuyie kényè ntidièti kù do dòò tì Isidayeeribe cuokè.

### *Isidayeeribe do yetemè Kuyie*

<sup>11</sup> De mōnnì kè Isidayeeribe dōò ti Yiè nKuyie nyí dós dè, kékété kénfeu yebokè bè tu yè Baadibe,

<sup>12</sup> kényete ti Yiè nKuyie mbè yembè do tũ nkù, kùù bè dènnenì Esibiti, kéfíe yebokè, benitibè bè bo kèè tenkè kabè do feu yè, kènninku ye ìikè ke íinko ti Yiè nKuyie mmièke.

<sup>13</sup> Bè do kù yóumu kénfeu Baadibe nè Asitaditebe.

<sup>14</sup> Kè ti Yiè nKuyie mmièke bè peike kè kùu deite ku nòutè be ìnkè, kè befèèbè nkōrìní ke fekù be kperè kè be dootitòbè bè na. Bá bè níí í nna ke bè bàao.

<sup>15</sup> Mudoò bè kōrì mùù kó dimàà, kè ti Yiè nKuyie ndeite ku nòutè be ìnkè kéndōnnè kù tì mbè nàkémè ke pàrikè. Kè bèe ta meyeñcaàrìmè diemè mièke.

<sup>16</sup> Memme kè ti Yiè nKuyie mbè duó mbebaatíbè, kè bèe bè deeténè be dootitòbè, bèè fèkù be kperè.

<sup>17</sup> Isidayeeribe me nyí nyie mbebaatíbè kpeti, kénsoké ke feu yebokè ke ninku ye ìikè, kébútínné dende bàmbà mbè yembè do tũ nkùu ce, bè ténke í nyie ti Yiè nKuyie nkuó be yembè do í yiemme.

<sup>18</sup> Kè ti Yiè nKuyie mbè duónní diì mōnnì obaatíwè kù nhò bonè o fōmmu mumou mièke, ke deerínè Isidayeeribe be dootitòbè. Mesémme do òò í nyóu mè bo pĩmmè ti Yiè nKuyie mbè dootitòbè bè fèũnko diì mōnnì kè bè kuò.

19 Kè de kóo baatíwè ku dii mǎnni bèe wēte kéta meyei mmudǎ̀rimù, kè dèe pēēté be yembè kperè do dǒmmè, kénfeu yebókè ke ninku ye ìkè ke yè bàá. Bè í nyóu bè bo ndǎ̀rimè meyei mbe yembè do dǎ̀ri mè.

### *Kuyie ndo yàákémè Isidayeeribe*

20 De mǎnni kè ti Yiè nKuyie mmièke peike Isidayeeribe, kè kùu béi nke dà: Kubotí kuu ñkǎbe mè ncàkemè metaummè n do yē mbe yembè n yē mèè kpéí, ke yete n kpèti.

21 Di mǎnni n ténke í yóó yóu kè bèe beti kubotí bá kùmáà ibotí tēi Sosuwee do kraá ke í bēti ì kékú.

22 Nè de kó benitibè borime be cuokè ti Yiè nKuyie ndo dǒ ké bè yàákému kényà kè bè bo yete ku kpèti yoo bè bo ti yie mbe yembè do tì yiemme.

23 Dèè do te kè ti Yiè nKuyie nyóu kè ibotí Sosuwee mu ndo í bēti ì kékú kè ì mbo be cuokè. Kù í mbè bēti mecãã.

## 3

1 Nte ti Yiè nKuyie ndo yóu kè ì botí mbo Isidayeeribe cuokè, kè kù bo bè yàáké, bembè kutōnkù pānkù kǎbe bèè do í kǎké mudoò bè ta dii mǎnni Kannahã kédoké mù.

2 Kù do dǒ kutōnkù pānkù kǎbe bèè mu nyí kàte dikpānni bèe di bebímu.

3 Fidisitēēbe kó yekpā̀tiyo yenùmmù kǎbe mbe kù do yóumè beè tu Kannahã kǎbe bemou nè Sidoniibe nè Efiibe bèè bo Dimaa kó yetārè ñnkè kētúóté Baadi-Edimǎo tārì kētuakè n Deboo-Amati.

4 Kù do dǒ ké bè yàákému, kényà ke nsà kè bè bo yie nkù do duó nkè Mǎyisii duó nyì kuó be yembè.

<sup>5</sup> Mè mme kè Isidayeeribe mbonè Kannahãã kàbe nè Etiibe nè Aməriibe nè Pedisiibe nè Ifiibe nè Sebusiibe.

<sup>6</sup> Kè Isidayeeribee túóké be kó besapàmbè képuoke, ké bè duó mbe kó besapàmbè kè bèe puoke, kè bèe fié iwũõ be bøkè.

## **KUYIE MBE DUONNÍME BEBAATÍBE**

### *Otinniyeedi*

<sup>7</sup> Kè Isidayeeribee dòò ti Yiè nKuyie nyí dó dè ké kù yóu, kénfeu iwũõ yebøkè ke báá nsibáatenkaanì bè tu sì Baadi nè Asedaa.

<sup>8</sup> Kè ti Yiè nKuyie mmiεκεε bè peike kè kùu bè yóu, kè Mesopotamii kóo kpààti Kusãã-Disataimmuu bè na ké mbè baké yebie nyèni.

<sup>9</sup> Kè bèe kuónnè ti Yiè nKuyie kè kùu bè duónní Kadebu nantè Kenasi birε Otinniyeedi kòò bo bè δεετέ.

<sup>10</sup> Kè Kuyie nYaá nní nhò bonè, kòo mbaké Isidayeeribe, kékote kédokénè Kusãã-Disataimmu, kè ti Yiè nKuyie nduó nkòo ò na.

<sup>11</sup> Kè be èi ríbo meonpùmè miεke ke dà nyebie nsipísìnàà. Kè Kenasi birε Otinniyeedii kú.

### *Eudi*

<sup>12</sup> Kè Isidayeeribee wεte kédòò ti Yiè nKuyie nyí dó dè kè kùu duó nkè Mòabu kóo kpààti Ekunòò bo bè dokénè.

<sup>13</sup> Kòo wènnénè Amóniibe kou nè Amadesii kou kè bèe do Isidayeeribe mudòò ké bè na, kéfiεte Sedikoo.

<sup>14</sup> Kòo mbè baké ke dà yebie ntepiítè nè yèni.

<sup>15</sup> De kó difōnkúò kè bèe kuónnè ti Yiè nKuyie nkè kùu bè duónní Keda birε Eudi kòò bo bè δεετέ. Bensamεε botí kou do nwe kòò tu dicānkurì.



Kè Isidayeeriβεε ò duó ndàmpòò díítí kòò bo kote ke ì duó mMɔabu kóo kpààti Ekunɔ.

16 Kè Eudii duó nkè bɛe ò má disìe menatimè mèdémè kperi, kè di okùmè mmànnè métìrì kó dikéè, kòo di yi o kpènténkpenkù youku, ke dáátí o yààti.

17 Mèmmè ò kàtemè kéduó nyidíítí okpààti Ekunɔ. Ekunɔ do tú oniticééwè nwe.

18 Wè ò duó ndiì mǎnni dǎmpòò díítí kédeè, kéwɛte kécíe mbèè do tóní de kó idíítí.

19 Bè tùòke diì mǎnni Kidikaadi, sitenkaanì yetárè kpesi borè, kòo bè yóu deborè kéwɛtení okpààti borè kóò nàké ke dò: Okpààti m mǎke tìmatì ntí tidé kpeti ke bo da náké.

Kòo kpààti duó nkòo tǎmbèe yè kè bè nkpaá bedé

20 ke kari muyaá nkó kudieku kùù do tú omáà kòku. Kè Eudi béinnè okpààti ke dò: N tóní tìi náàntì ti Yiè nKuyie nkuù tì nni nduǎnní a kpéí.

Kòo kpààtiì íténí o kàrì.

21 Kè Eudii pǐ ndisiè nè tɛcǎnkutè kékpate kékũũ o pǔniè.

22 Kè diì taroo dimɔu nè di bɔo kè mekùò ndi dàtínné, kè Euu yóu kè di nkpaá okpààti pǔuti mièke.

23 Ò yí memme kédeè keyè difǎnkúò kékpetínné kɛpáá nkédeite tekpetíntè kéíté.

24 Kòo kpààti tǎmbèe tuǎkení keyà dibòrì kpetímè ke páké, kè be yèmmè ndo nhokpààti bo nyénkúmu de mièke.

25 Kè bè ncómúú kébaa okpààti bo kpetémè bá ò í kpetírí, kè dèe bè di, kè bɛe túóté tekpetíntè kékpété kénsó nhò ku ke duó ke cǎnko.

26 Bè do cómmú diì mǎnni ke baa okpààti bo kpetémè, kè Eudi cokùmu ke pɛété yetárè kó

sitenkaanì ke ta Seidaa tempè.

27-28 Ò tùòkoo dìi mònni òborè kéheé ditâteheù Efadaimmu tempè nyetârè ìnkè kè Isidayeeribee tí nkòo bè nàké ke dò: Ti Yiè nKuyie ndi duómmu di dootitòbè Mòabiibe, n tũnnenè!

Ò yĩ memme kéniiité kè bèe ò tũnne kè bèe do Mòabiibe kukó nSuditèè tepure, ké bèe pí mbemou bá òmòu í sèhité.

29 De yiè kè bèe kuò Mòabiibe yedakperè nè yekòmbò yembè tekoupiíité (10000) be kòò mòu í kpaá bá òmàà wèè fòu.

30 De mònni kè Mòabiibee bóuté Isidayeeribe kè dihei mbo meom̀pùmè miéke ke dò nyebie nsipísini.

### *Sānkaa*

31 De kó difònkúò kè Anati biré Sānkaa còuté Eudi, kékuò Fidisitèèbe sikòusikuò (600) nè tekàùtè bè òò kũũ tè inààke ìi dùò ke múnke deeté Isidayeeribe.

## 4

### *Deboraa nè Baaraki be kó tináànti*

1 Eudi ku dìi mònni kè Isidayeeribe wète kédòò ti Yiè nKuyie nýí dó dè.

2 Kè kùu bè duó nKannahã kóo kpaàti Yamee Asòò èi kou. Wèè baké Yabinni ããpòmbè kòo yètìrì tu Sisedaa kòò bo Adoseti-Koimmu.

3 Okpaàti Yabinni do màke sinaasèí timátì kpesi sikòusiwei (900) ndi, kénfèũnko Isidayeeribe ke dò nyebie nsipísidé kè bèe kuónnè ti Yiè nKuyie.

4 De mònni dè do ś nDeboraa Dapidati pokù wèè nàá nKuyie mpãánáànti kè wèè baké Isidayeeribe.

5 Ò do bo mupuommu mamù yuu ndi Damaa nè Beteedi de saku, Efadaimmu tãrì ìnkè. Isidayeeribe

do de nkər̀dò koò bekù be kpɛti. Kè dè mboní kè bèe yú de kó mupuommu ke d̀ò Deboraa puommu.

<sup>6</sup> Kè Deboraa yú diyìè marì Kedesi èi kou Abinnɔ́ammu bire Baaraki, Nefutadii botí kou, kóò nàké ke d̀ò: Ti yiè nKuyie nyIsidayeeribe tũ nkù da náá ké tú a p̄immú behã̀p̀mbè Nefutadii nè Sabunɔ́ botí mièke kè bè m̀bo tekoupiítè (1000) kàa bè k̀atenè Tabɔ́ tã̀rì.

<sup>7</sup> Kù tu kuù yóó duó nkè Sisedaa wèè baké Yamɛɛ ã̀p̀mbè kòo íténì nè o naasẽ̀ nè o ã̀p̀mbè kè bè di do mudoò kè kùu duó nkè dí bè na.

<sup>8</sup> Kè Baarakii t̄́nné Deboraa ke d̀ò: Kàa bo n neinè n̄ k̀ate, kàa me mbá n neinè n yí k̀ari.

<sup>9</sup> Kè Deboraa d̀ò: M bo da neinè, a me nt̄́nke í yóó p̄té disã̀nni marì de kó mudoò mièke, ke yé nè onitipòkù borè nde ti Yiè nKuyie nyóó duóm̄mè kè di na Sisedaa.

Meñme kè Deboraa neinè Baaraki kè bèe k̀ate Kedesi.

<sup>10</sup> Kòo tíí nNefutadii nè Sabunɔ́ botí k̀abe kè benitibè tekoupiítè (1000) ò neinè kè Deboraa múnke ò neinè.

<sup>11</sup> Ke s̄́ nhonitì m̀òu bo Kedesi borè Keniibe botí kou kòo yètìrì tu Ebeɛ. Ò do yàtenèmu Keniibe t̀abè Obabu M̄ȳiisi c̀òkù yaàbí, kék̀ate kécónné o touku k̄éntóké̀nè Sadanimmu tã̀rì.

<sup>12</sup> Meñme kè Sisedaa keè Abinnɔ́ammu bire Baaraki bomè Tabɔ́ tã̀rì,

<sup>13</sup> k̄étíí nho naasẽ̀ sik̄ousiwei (900) nè o nitibè Adoseti-Koimmu borè, kè bèe nei kék̀ate Kis̄̄ kó mborè.

<sup>14</sup> De m̀onnì kè Deboraa náké Baaraki ke d̀ò: Báátí kék̀ate! Ti Yiè nKuyie nyóó da duóm̄mu yíe nSisedaa, ti Yiè nKuyie nkuù da ni ku móm̄m̀onku.

Kè Baarakii neinè o nìtìbè tekouprípítè (10000) kè bèe cútè Taboo tārì,

<sup>15</sup> kèdo be dootitòbè kè ti Yiè nKuyie nduó nkè bèe na Sisedaa nè o kòbe nè be naasēī, kè bèe bútinné kécoké, kè Sisedaa cúténí o naasāntè kécoké o naàcèi.

<sup>16</sup> Kè Baaraki mbeti o dootitòbè nè be naasēī kétuòkenè Adoseti Koimmu, kè bèe kuò Sisedaa kòbe bemou, bá òmòu í nsùó.

<sup>17</sup> Kè Sisedaa ñcooti ke kòri Keniibe kou mòu, bè tu wè Ebee, o poku Yaeri cīètè, ke yé Ebeedi cīètè nè okpààtì Yamεε Asoo èi kou bè do naatimèmu.

<sup>18</sup> Kè Yaeriii yenni kòò co kébèi nke dò: Ohāpònkótì tanní dié! Tanní ke bá nyīkù.

Kòò taroo o tou miεε kòò ò dàtinné kuyààkù.

<sup>19</sup> Kòò nàké onitipòkù ke dò: M pā meniε nkè n yā.

Kòò pootε menaamiè nkó kudòukù kòò duó nkòò yā, kòò wēte kòò dàtinné kuyààkù.

<sup>20</sup> Kòò nàké onitipòkù ke dò: Nkari dibòrì, kòò mòu kàtení ke da beke ke tú: Òmòu kàtení dienaà? A dò: Ɔò.

<sup>21</sup> Sisedaa me ncèmmè ke òu kòò yè nkéduó kòò nuò ncēēke. Kòò nitipòkùu túóté dimàatòòrì nè ditou kó febaafe, kébánné kétóónko o borè ké fε baaké o yuu kédannenko ketenkè kòò kú.

<sup>22</sup> Kè Baaraki ntūnní Sisedaa kétuòkení, kè Yaeriii yenni kòò nàké ke dò: Kàtení kè n dá benke onitì a wanti wè.

Kòò taroo ditou miεε ke s̄ò nhò baaké Sisedaa yuu febaafe ke dànnenè ketenkè kòò duó ke ku.

<sup>23</sup> De yiè ndi Kuyie nduómmè kè Isidayεeribεε auté Yamεε Kannahā kóò kpààtì.

24 Kè Isidayeeribee beti weti weti Kannahã kóo  
kpààtì Yamee kóò fènné kóò nìnte kékuo.

## 5

### *Deboraa nè Baaraki bè dèntèmè fèyènfè*

<sup>1</sup> De yiè Deboraà nè Abinnəammu birɛ Baaraki kè  
bèe dentè fɛ nyènfè:

<sup>2</sup> Isidayeeribe bá wè wākému mudoò kpéí,  
bè duómmu bɛmáà páíí mudoò kpéí!  
Sāntɛnè ti Yiè nKuyie!

<sup>3</sup> Díndi bɛkpààtibè, díndi bèè baké,  
kénténè mɛsàà!  
N yóó dentèmu késāntɛ ti Yiè nKuyie.  
N yóó déúkùnnɛ ti Yiè nKuyie nyIsidayeeribe tũ nkù  
nku.

<sup>4</sup> Ti Yiè nKuyie nha yèní dìì m̀̀nnì Edəmmu,  
kɛ cùténí Seii tāri,  
dɛ m̀̀nnì ndi ketenkè aámè,  
kè yɛwɛtɛɛ cóúnní mɛniɛ,  
kè fɛtaafè diɛfèɛ cùténí tiwɛtì.

<sup>5</sup> Kè yɛtārɛɛ sãntè,  
Ti Yiè nKuyie nyIsidayeeribe tũ nkù  
kuù do bè bɛnkɛ kumáà Sinaii, kù t̀̀̀kɛnìmè.

<sup>6</sup> Anati birɛ Sānkɛ do bo dìì m̀̀nnì,  
nè Yayɛri kó dim̀̀nnì,  
kè bɛciɛmbè ténkɛ í nkeri dihèi kó icɛ,  
bè do kónnìmu.

<sup>7</sup> Okpààtì ténkɛ do í bo dihèi,  
wèè baké Isidayeeribe ò ténkɛ do í bo,  
kénkém̀̀m̀̀nè mí nDeboraa m bo buotémè,  
kénáá nyIsidayeeribe yǎ.

<sup>8</sup> Isidayeeribe do ð nkè bè fié iwũɔ yɛbəkè,

mudoò muù pànkεε íté.

De m̀nǹǹǹ k̀è Isidayεεribε bo sikαup̀s̀iǹǹǹ (4000)

a báá yà dikp̀ǹǹǹ yoo disìè bε cuokè.

<sup>9</sup> N yèmmè naatinè bèè baké bè mbε Isidayεεribε t̄rè,  
nè bèè duó mbemáà mudoò kpéí.

Sāntenè ti Yiè nKuyie!

<sup>10</sup> Díndi bèè dèke sāmmarímúbè péíbè,

díndi bèè k̀ari tiyà̀t̀i ìnkè,

nè díndi bèè k̀erí ice miεke pietenè ku!

<sup>11</sup> Bèè do mmenie nkε niinko bε wũṣ,

bè sántímu ti Yiè nKuyie,

kù do d̀d̀d̀ mèè s̀à̀ nyIsidayεεribε k̀è bè tieke dihei.

<sup>12</sup> Deboraa, ente, ente!

Íté, íté! Dentè fek̀p̀ariyènfè.

Abinnṵammu bire Baaraki íté k̀étṵ a daati k̀ék̀onnè.

<sup>13</sup> Bèè k̀p̀aá k̀è bèè t̄̀nnε bekperíbè

k̀è ti Yiè nKuyie nkṵbεε tí m borè nè dikṵmb̀ù̀d̀ kε  
bo k̀ṵtε mudoò.

<sup>14</sup> K̀è Efadaimmu k̀ó bekperíbè bo kubiriku,

a k̀ó dif̀nk̀ú̀d̀ Bensamε weè da t̄̀nko kε w̄ennè o  
k̀ṵbε.

Makiidi botí k̀ṵbε bεè tu bekp̀à̀t̀ìbè

k̀è Sabunṵ k̀ṵbε tṵ fek̀p̀à̀t̀ìp̀à̀t̀ìfè.

<sup>15</sup> K̀è Isakaa k̀p̀à̀t̀ìbè neinè Deboraa,

k̀è besṵmbεε neinè Baaraki,

kε bè t̄̀nnε k̀è bè k̀ṵtε kubiriku.

Dubenni botí k̀ṵbε biε í nyà bè bo t̄̀ā̀t̀é t̀ì.

<sup>16</sup> Dè d̀d̀mmε k̀è di k̀p̀aá di naac̄nhòd kε k̀émmú  
iwũṣ kuṵmmè?

Dubenni botí k̀ṵbε do í yà bε bo t̄̀ā̀t̀é t̀ì.

<sup>17</sup> Kadaadi temp̄ε nkṵbε bèè bo kukó nSudit̄̄ṣ diyè  
ỳì̀ǹi k̀èè bíékè bεmbε í nampe.

Danni kàbe í cùténí be bàtóòbè ìnkè.  
 Asee kàbe í ìtè bàtóò commu dè,  
 bè de mbo.

18 Sabunᵛᵛ kàbe nè Nefutadii kàbe beè yie nke cīnne  
 be bo

ke kòte mudòò.

19 Kannahāā kó bekpààtìbè domu Tannaki èi kàbe  
 mudòò,

bè me nyí na kéheí dèmarè yoo bèe pété idíítí.

20 Kè siwāā be wēnnénè kémbò tiwetì miéke ke  
 kpānnènní Sisedaa.

21 Kukó nKisᵛᵛ kó menékperímè meè pōnténè ti  
 dootitᵛᵛbè

ke bè kàuté.

Tí kéténnè ke bá nyīèkù.

22 Mèmmè sisēī potémè yetàrè ketenkè,  
 kè si kpèètèe kè dammú.

23 Ti Yiè nKuyie ntānni béimmu ke tú:

Mèdosi èi bo yà!

Bèè bo be kó diheí miéke bè bo yà!

Ke yé bè í wēnnémmè yekōmbò yembè dikpānni.

Bè í tee nti Yiè nKuyie.

24 Benitipòbè miéke mesàà nní mbonè Keniibe botí  
 kou Ebeeri pokù Yaeri.

Benitipòbè bèè bo titouti miéke,

be miéke mesàà nní mbonè de kóo nitipòkù.

25 Sisedaa we mmᵛᵛ menie,

nkòò ò pā menaamiè nfekpààtìbòòfè miéke,

kòò ānné menaamiè mboome kòò duó.

26 De kó difōnkúò te nnùtè febaafe,

tetètè dimàatòòrì,

kébaaké Sisedaa tempáákù ke dùùte o yuu.

27 Kòò doroo ke duó ke cãanko ketenkè,  
ò de ndo kékú.

28 Kòo yã nsíékéní tebòtè,  
kuyààkù fíè nke nkuò nke tú:  
Ba nkpeí nte kòo sãntè ɔtiní?  
Dè dòmme kè be sɛí í konní mecãã?

29 Kòo pobè bèè cii kè bè nnáá nho yã ke tú:

30 Bè bo mbè pòntemu ke eí ke totí tinentì,  
bè bo ntotí besapàmbè òmòu mòu yoo bèdébè débè.  
Bè bo nduó nSisedaa tiyààtì tì tò nke kpè,  
diyaàbòrì dii kpè nke kònté mèdémè  
bè yóó di nduó nwèè na.

31 Sisedaa ku mètè botí,  
Ti Yiè nKuyie nha yóu kàa dootitabèe me nkú,  
nè bè di naati kè bè mmietì  
ke dònne diyie ò nyetiní ke dòmme.

Memme kè dihei mbo meompùmè miεke ke dò yebie  
nsipísìnàà.

## 6

### *Mandiyãabe fẽũmmè Isidayεeribe*

<sup>1</sup> Kè Isidayεeribe yíé kédòò ti Yiè nKuyie nyí dó dè,  
kè kuu duó nkè Mandiyãabe mbè fẽũnko ke dò yebie  
nyèyiekè.

<sup>2</sup> Kè bè mbè fẽũnko mediè nkè bè cokù ke dekù  
yetãrè ke taà titãdèntì nè itãfuò mmieke.

<sup>3</sup> Kè bè kùútí ke dèè Mandiyãabe nè Amadesiibe  
nè diyie yìèní kèè bíékè kòbe bèè kòtení ké bè do.



4 Bè do ãã báté be tenkè kécake be paa nde kètuakènè Kasaa kèpímmú be wũõ: Inààke nè ipe nè sãmmarímúbè bá bè báá bè sùò mmùmamù.

5 Bè do ãã íténi nè be wũõ nyi kéntònè be touti kó tiyààti kénsũ ke dò nfecofe ð ndòmmè bá bè bá ndò nkéna kékaa nkédeè, kè bè báté dii èi bèè di pònte.

6 Kè Mandiyããbe dii nyIsidayεeribe mesémmè mediè nkè bèè kuónnè ti Yiè nKuyie.

7 Isidayεeribe kuónnè dii mònni ti Yiè nKuyie nke tú kùu bè deeténè Mandiyããbe.

8 Kè kùu tōnni ku pããnáànti náàntò mǎu kòo bè béinnè ke dò: Ti Yiè nKuyie ndi tũ nkù tu kuù di dènneni Esibiti di do tú dè tidaati.

9 Kè kuù di deeténè Esibiti kǎbe nè bèè kó dimàà do di fẽũnko, ke bè bèti ke di duó ndihèi.

10 Ke di nàké ke tú: Dí nyé ke báá fíé Amodiibe di bo bèè cuokè be kó yebókè. Di me nyi yie nku kpèti.

### *Kuyie nyèmmè Sedeõ deeté Isidayεeribe*

11 Kè ti Yiè nKuyie ntōnni kǎteni Ofadaa èi kénkari Abiesεε boti kou mǎu bè tu wè Soasi paku mutie mamù yuu, kè de yiè nkóo dapàà nSedeõ puoti o diiti kupèrikù makù fiè, bè do ãã ùti dè yetebe, késorinè Mandiyããbe.

12 Kòo nyóo daateni káyà ti Yiè nKuyie ntōnni kè dii ò béinnè ke dò: Ti Yiè nKuyie nda bommu fǎ nhokpàriteu!

13 Kè Sedeõ di tǎnné ke dò: N yiè! N da báammu, kè ti Yiè nKuyie nti bonè, ba nkpéi nte kè meháárimè mie nti tuòkùni, tidietì ti yembè do ti náá ntii kpéi ntì kǎte ke? Bè do ti náámmu ti Yiè nKuyie mbè dènnemè Esibiti. Ti Yiè nKuyie nti dootóomu, deè te kè Mandiyããbe ti na.

14 Kè ti Yiè nKuyie nwèète o bíékè kóò nàké ke dò: Kòte nè muwèrimú a mọke mù kédèetè Isidayeeriḃe Mandiyāāḃe nḃu miēke. Mīi da tūḃ.

15 Kè Sedeḃḃ di tēñné ke dò: N Yiè n da báammu, n kó kunaàmùnkù kuù tu ku sámpókù Manansee naàmùnti miēke, kè mīi wète ke tú tēyāātè, m bo yīme kédèetè Isidayeeriḃe.

16 Kè ti Yiè nKuyie nhò tēñné ke dò: N yó nda bonèmu kàa poté Mandiyāāḃe kè dè ndo nha poté onìti òmáà.

17 Kè Sedeḃḃ dò: N Yiè nKuyie nkàa m bonèmu m benke kè m banté ke dò nfḃḃ n nàánnè.

18 Nkpáá diē nkè n wētenèní dipānni n dọ ke da pā di.

Kè ti Yiè nKuyie ndò: N yó nkpaámu kàa wētenèní.

19 Kè Sedeḃḃ kòte ke pī ndibḃseri, kékuḃ kébénné, kéwáá mmuyuo ncìdòòbè sipísitàāti, kédòò péè ò í nkḃarenè mutie mùù muuti, kétúóté imaa nkéānné temómmùyáátè miēke, kéānné mekūmmè dibuu, kété kékòtenè mutie yuu kéduó nKuyie ntānni.

20 Kè dii ò nàké ke dò: Kòte kédáá nyimaa ndipèri dii nyīnkè, kéyḃere mekūmmè i ĩnkè.

Kè Sedeḃḃ me ndòò.

21 Kè ti Yiè nKuyie ntānni youte kupààti di do tḃ kù kékááké imaa nnè péè, kè muháá nyenní dipèri ké dè cúté. Kè Sedeḃḃ mántóo ti Yiè nKuyie ntānni.

22 De mōnni ndi Sedeḃḃ bantémè ke dò nti Yiè nKuyie ntānni ndi, kékuónko ke dò: Áú! Ti Yiè Kuyie mmeyei mbá n tuḃkení m mè nyāmè a tōnni dò?

23 Kè ti Yiè nKuyie ndò: A bá nyīèkù! A kōmbùòti bá nduò, a í yóó kú.

24 Kè Sedeõõ maá diwũõtònni deborè ti Yiè nKuyie nké dì yu ke dò: Ti Yiè nKuyie ndei iyĩ̀kè. De kó diwũõtònni kpaá bomu Ofidaa Abiesee eì mieke.

*Sedeõõ pàntemè dibòò Baadi wũõtònni*

25 De kó keyènkè kè ti Yiè nKuyie nnáké Sedeõõ ke dò: Túóté a cice kó dinaadaà dì m̀̀ke yebie nyèyiekè, kèpònte a cice bòò Baadi wũõtònni kékõũ kutewuó nkùù còmmú di také.

26 Kàa dèè á m maá n kperi de kó ditenni ìnkè, kétúóté kutewuó nha kõũ kù kó idei kètòtinnè, kè n kuò fenààfè kètuo.

27 Kè Sedeõõ waá mbetòmbè tepíitè bèè yóó ò teennè mutòmmú ti Yiè nKuyie nyè nwèe pĩ mmù. Kè bèè mù pĩ nkeyènkè ke yé ò do démè o c̄fètè kòbe nè dihei kòbe.

28 Kè dèe wenté kè dihei kòbe yà Baadi wũõtònni pàntemè kè kutewuó nkõũ, kè bè maá diwũõtònni teri de ìnkè, ke kuò fenààfè ke tũò ndi ìnkè.

29 Kè bè mbékú békú betòbè wèè dòò me kó kubotí.

Kè bèè bè náké ke dò: Sedeõõ nwe.

30 Kè bèè náké Soasi Sedeõõ cice ke dò: Ti duó nha kóo dapàà nkè tí ò kuò, ò pùò mmèè kpéi mBaadi wũõtònni ke kõũ o tewuó.

31 Kè Soasii bè t̄́n̄né ke dò: Dìi bo kpa mBaadi kpànnàa? Dìi bo peite o pèià? Kè wèè kpa mBaadi kpànni dè báá ò wenté. Kè Baadi cénke tú Baadi nwe weè yóó kpa nho kpànni, bè pònte weè kó diwũõtònni.

32 De yiè ndi bè yumè Sedeõõ ke dò Yedubaadi (dèè tu Baadii peite). Bè do ò yu de kó diyètìri o cice do béi ntii náàn̄tì kpéi nke ke dò: Baadii kpa nho kpànni bè pònte wèè wũõtònni.

*Sedeõõ bekemè Kuyie mmèbenkùmè*

<sup>33</sup> Kè Mandiyāābe nè Amadesiibe nè diyie yèní kèè bíékè kòbe kè bèe tí nkésenté Suditéē kébáté Sisedeedi biriku.

<sup>34</sup> Kè ti Yiè nKuyie nYaá mpíe nSedeṣṣ kòo kònné ditāteheù kényú Abiesee naàmùnkù kòbe ké bè bo ò neinè,

<sup>35</sup> kētō nkè bèe náké Manāsee kòbe kè bèe kòteni, kòo tō mbetòbè Asee nè Sabunṣṣ nè Nefutadii naàmùntì mieke, kè benitibèe yenni ké bè wēnnénè.

<sup>36</sup> Kè Sedeṣṣ náké ti Yiè nKuyie nke dò: Ti Yiè nKuyie nkè fṣṣ búi nke tú a yóó deeté Isidayeeriibe nè n nòùtè,

<sup>37</sup> n yóó yenné m pecitì nti kuyié, kè dè wenniní kè tii máà bùúté, kè kuyié waánni m banté ke dò nha mènke dó ké bè deeté nè mî kó tenòùtè, kéndònnè a tì béimmè.

<sup>38</sup> Kè dèe wenté kè Sedeṣṣ kòte kénsṣ ndè me ndòò, kòo kouté tipecitì kéníúté meniè mmèè màntè kè mèe yè kériè ndibuu.

<sup>39</sup> Kòo náké ti Yiè nKuyie nke dò: Ti Yiè nKuyie nha mieke bá m peike, kuce mesomme mme n yóó yíé ké da bekemè, n yóó wēte ke yíé yennému tipecitì, di mmònni n dó ketenkè keè búúté kè tì níwaánni.

<sup>40</sup> Kè ti Yiè nKuyie ndòò Sedeṣṣ kù beke tì, kè dè nWenniní kè ketenkè bùúté ke fité kè tipecitì máà waánni.

## 7

### *Sedeṣṣ kàtemè mudoò nè benitibè sikòusitāāti*

<sup>1</sup> Kè dè nkpaá uu kè Sedeṣṣ, bè tu wè Yedubaadi, kòo báátínè o āpòmbè bemou kébáté Adodi binte

borè, kè Mandiyāābe me ntó báté kubakù cànku bíékè Mòdee tārì bíékè kubiriku mieke.

<sup>2</sup> Kè ti Yiè nKuyie nnáké Sedeṣṣ ke dò: A nìtìbè sūnè m bo duómme kè dí na Mandiyāābe, kè n duó nkè di bè na, Isidayεeribe bo na kēsānte bemáà ke dò beè bè na nè be kó muwērímú, kécouté disānni dii na ntú n kperi.

<sup>3</sup> Á náké a nìtìbè ke tú n yē nkè kufōwáá mbo wè, kòo kōmbùòti duò, wèe kò nho cīētè.

Kè Sedeṣṣ ti béi nkè benìtìbè sikoupirípìsidé nè sikousidé (22000) wēte, kè bè nkpaá tekoupirípítè (10000).

<sup>4</sup> Kè ti Yiè nKuyie nnáké Sedeṣṣ ke dò a nìtìbè kpaá sūmu, tannè be kukó nkè m bè nda bate, ké da náké bèè yóó da neinè nè bèè yó nkpaá.

<sup>5</sup> Kè Sedeṣṣ bè tanné kukó nkè ti Yiè nKuyie nhò nàké ke dò: Bèè bo nkei menie nnè be nou ke yò nhá bè bate, kébate bèè bo nínkú kēsīnné kényōnnè be nò.

<sup>6</sup> Kè benìtìbè sikousitāāti (300) beè nkeinè be nou ke yō, kè besombēe nínkú kényōnnè be nò.

<sup>7</sup> Kè ti Yiè nKuyie nnáké Sedeṣṣ ke dò: Bèè nínkú ke yōnnè be nò bèe kũũ mbe cēī, sikou sitāāti (300) bèè kèinè be nou ke yō, fī nnè be dii yóó kote mudoo kè n dí deeté kéduó nkè dí na Mandiyāābe.

<sup>8</sup> Kè Sedeṣṣ duó nkè bèe cuó be diiti nè be tātēhe, kòo duó nkè bèe kũũ mbe cēī, kòo nkpaánè benìtìbè sikousitāāti (300).

Kè Mandiyāābe me mbáté de fūṣ kùbiriku ke kari.

*Kuyie mbenke mè Sedeṣṣ ò yóó namè o dootitabè*

<sup>9</sup> De kó keyènkè kè ti Yiè nKuyie nnáké Sedeṣṣ ke dò: Íté kékote kédo Mandiyāābe m bè nda duómmu.

10 Kàa me nyí dàátí ke bo kote ké bè do, á neinè a kóo tǎnti Pudaa ké di kote.

11 Kàa keè bè nàá nti de bíékè, de mǎnni kémǎote dikǎmbùò, ke né kote ké bè do.

Kè Sedeṣṣ neinè o kóo tǎnti kè bèe kote Mandiyāābe karì dii tǎkéní.

12 Kè Mandiyāābe nè Amadesiibe nè diyie yìenì kèè bíékè kǎbe kè bè pité kubiriku ke sū ke mǎnnè fεcofe bá yòyóbè í dò nkéna kékaa nkédeè, ke mènke sū ke dǎnnè dàméèrì nùù kó mubirimú.

13 Bè tùòkoo dii mǎnni kénsǎ nhòmǎu nàá nho népo tidǎuntì ke tú: N duó tidǎuntì nti kè dè dò mpéè mǎu birimúni ditǎri ñnkè, ke bǎté kutouku makù kè kù do ke kònté kónté.

14 Kòo népoò ò nàké ke dò: Isidayεeribe kou Soasi bire Sedeṣṣ kó disiè ndi, Kuyie nti ānné o nou miεke nkε tínti nè ti kó ditǎnni dimǎu.

15 Kè Sedeṣṣ keè tidǎuntì nè tì benkú mù, kénínkú késǎnnǎo ketenkè, kédǎunnè ti Yiè nKuyie mmutǎmmú, kédeè kéwεtení Isidayεeribe bǎté dè, kǎpǎéké ke dò: Báátínè ti Yiè nKuyie ndi duómmu Mandiyāābe.

### *Kuyie nkpammè Sedeṣṣ kpéí*

16 De kó dimǎnni kòo toté benitibè sikǎusitǎati (300) sinsi yetǎrè yetǎati, kǎpií mbá wè ditǎteheù nè defitírè nè de dúù,

17 kédeè ké bè nàké ke dò: Dí nni nwúó nkè n tùòke be karì ke dǎòmè, dí me ndǎ.

18 Mí nnè n kó ditǎnni kè ti eé dii mǎnni yetǎtehe di múnke eé kǎfité be karì, kǎmpǎǎkù ke tú: Ti Yiè nKuyie nnè Sedeṣṣ beè na.

19 Sedeṣṣ nè o nitibè kè bè ntuòkoo Mandiyāābe karì kè keyènkè dǎ kǎtoté ke cuokè, kè bè bo ke ceeri bèè bàa be karì. Kè bèe eé yetǎtehe kǎpǎnte be fitídó.

20 Kè yetĩrè teyè yèdéè me ndòò kéntò be fitíyì nè sinòu cánkusi, ke tò yetâtehe siyóú, ke pĩèkù ke tú: Ti Yiè nKuyie nnè Sedeṣṣ beè na!

21 Bá wè kòo cómmú o kó mefiè, kè bèe cētinne be karì, kè bèe nkuò nde mièke ke cokù.

22 Kè benitibè sikòusitããti (300) ncómmú ke eu yetâtehe kè ti Yiè nKuyie nduó nkè Mandiyããbe nkòu betòbè be karì dimòu mièke. Kè dè nyóó dentenè bèe kpaá kè bèe coké kétuòke Bèti-Ita kénwetí Sededaa ke yàa tuòkenè Abedi-Meodaa èi dìi tòkénè Tabaa.

23 Kè bèe yú Isidayeeriibe sòmbè Nefutadii naàmùnkù kòbe nè Asee kòku nè Manansee kòku kè bèe kòtení kèbeti Mandiyããbe.

24 Kè Sedeṣṣ tṣ nkè bèe náké Efadaimmu tãrì kòbe ke dò: Cúténèní mecã nkèniitè kèbaa meniè ntepure kétúóté Suditèè kétuòkenè Bèti-Badaa.

Meñme kè Efadaimmu kòbe bemòu kòte kèbaa kukó nSuditèè kétuòkenè Bèti-Badaa,

25 kèpĩ mMandiyããbe kpàatibè bèdé Odebu nè Sebu kékuò Odebu tãrì také kékuò Sebu dinàà bè tú dì Sebu nàa di také, késòoté kèmbeti Mandiyããbe, kètònní Odebu nè Sebu be yò késénténèní Suditèè, ké yè duó nSedeṣṣ.

## 8

### *Efadaimmu kòbe yèmmè cààrèmè*

1 Dè mònni kè Efadaimmu kòbe beke Sedeṣṣ ke dò: Dè yĩme kàa í ti yu kè ti bo da teennè mudoò, ke kòte amáa ke dokénè Mandiyããbe?

Kè bèe nhò kpànnè mediè.

2 Kè Sedeṣṣ bèe téné ke dò: N dòò dè báa na kétuòke di kperè. Díndi Efadaimmu kòbe di dòò dè pèètému ti dòò dè tínti Abiesèe naàmùnkù kòbe.

<sup>3</sup> Kuyie nhānné dīi n̄ou mieke Mandiyāābe kpààtìbè Odebu nè Sebu kè di bè pī, n né d̀ò̀ ba ke dè pēēté memme.

Sedeṣṣ ti mbéi nkè Efadaimmu kòbe mieke do.

*Sedeṣṣ domè Suditēē diyie yìenì kèè bíékè kòbe*

<sup>4</sup> Sedeṣṣ nè o nìtìbè sikəusitāāti (300) kè bèe tuòke Suditēē, kòò sènté ke ś mbè òu, ke me mbaa nsaké ke beti be dootitòbè,

<sup>5</sup> kétuòke Sukoti èi kè Sedeṣṣ náké de kó dihei kòbe ke d̀ò̀: Pānè n nìtìbè mudii bè òumu, m beti Mandiyāābe kpààtìbè mbe, Seba nè Sadimuna.

<sup>6</sup> Kè dihei kó bekótìbèe ò tḗnné ke d̀ò̀: Ti di pā mudii ba nkpéí? A namu Seba nè Sadimuna ke dèèà?

<sup>7</sup> Kè Sedeṣṣ bè tḗnné ke d̀ò̀: Ti Yiè nKuyie mbo n duó ndii m̀nni Seba nè Sadimuna m bo di puotínè dikpáà kó tipoti, ké dí yórí ipo.

<sup>8</sup> Kè Sedeṣṣ íté deborè kékote Penniyēedi, ké bè m̀ò̀ ò baa do m̀ò̀ m̀èè botí Sukoti èi kòbe, kè bèe ò tḗnné betòbè baa do ò tḗnné ti.

<sup>9</sup> Kè Sedeṣṣ bè náké ke d̀ò̀: Kè n na n dootitòbè ke kũntinì n yóó p̀ntemu dihei kó ditou kperi dii.

<sup>10</sup> Seba nè Sadimuna bè do bo Kaadikəədi nwe, nè behāāp̀mbè tekəupírítè nè sikəupísìnùmmù (15000), ke yé bè do k̀òmè diyie yìenì kèè bíékè kó behāāp̀mbè tekəupík̀ùtè nè sikəupírísidé (120000) kè bèe nsú.

<sup>11</sup> Kè Sedeṣṣ tũnne benaacēmbē kerì f̀èè c̀ìf̀è f̀èè yìenè Nəba nè Yokoa diyie yìenì kèè bíékè, kèdo o dootitòbè ke ś mbe yèmmè dò mbè s̀rì kòò m̀ò̀ í yóó bè yà.

<sup>12</sup> Mandiyāā kpààtìbè bedé Seba nè Sadimuna kè bèe coké. Kè Sedeṣṣ be b̀eti k̀epí nkè bèe na behāāp̀mbè bem̀ou ké bè auté.



13 Kè Sedeṣṣ nkũntiní mudoò kényènní Edesi tennì,

14 kérépí nSukṣṣti kóo dapàà mmṣò kòò beke kòò ò wàri bekpààtìbè nè beheikènkótìbè yètè kè bè ríbo sipísìyiekè nè bèyiekè.

15 De kó difṣṣnkúò kè Sedeṣṣ kṣṣte kényà Sukṣṣti èi kṣṣbe ké bè beke ke dṣṣ: Di kṣṣáá yé di sòò n sǎámmè ke tú n namu Seba nè Sadimuna ke dèè, ke tú n nìtìbè òu kè di bè pǎ mudià? M me ndi tṣṣnìmu Seba nè Sadimuna.

16 Mèmmè ò tṣṣótémè dikṣṣáà kó tipotì nè ipo képuotínè Sukṣṣti èi kó bekótìbè,

17 kédeè kṣṣṣṣṣṣṣ Penniyeeedi èi kó ditou kṣṣperi, kékuṣ de kó dihèi kṣṣbe.

18 De kó difṣṣnkúò kè Sedeṣṣ beké Seba nè Sadimuna ke dṣṣ: Di do kṣṣò bèè nìtìbè Tabṣṣò bè do dòmmè? Kè bèè ò tṣṣṣṣṣṣṣṣ ke dṣṣ: Bè do da dònnèmu ke dò nyìkpààtìbì.

19 Kè Sedeṣṣ bè tṣṣṣṣṣṣṣṣ ke dṣṣ: N tebìí nsi ti yṣṣ òmàà, kédeè kṣṣbèi nke dṣṣ: Ti Yiè nKuyie mbomu kè m pàrikè nè ku yètìri ke tú kè di do mbè yóu kè bè nfòu n na bá ndi kṣṣò.

20 Ò bèi mèmmè kédeè kṣṣpèi nho kóo po Yetee ke dṣṣ: A pǎ mba? Kuṣ bè!

Odapàà mmè nyí ndàátí ò do kṣṣáá bemmu. Kè deè nte kòò yṣṣte.

21 Seba nè Sadimuna kè bèè náké Sedeṣṣ ke dṣṣ: Ti kuṣ a mómmuṣ, bá wè nè o kó dikṣṣmbùṣ ndi.

Kè Sedeṣṣ íté ké bè kṣṣò kṣṣtṣṣóté be yóyóbè do dúúkú tìi sṣṣtì.

### *Sedeṣṣ yetémè tikpàti*

22 Kè Isidayeeeribeè náké Sedeṣṣ ke dṣṣ: Fṣṣò yó nti baké, a kó difṣṣnkúò kàa birèe sṣṣoté ké nti baké,

kàa yaàbirεε sɔɔté ké nti baké. Fṣṣè ti deeténè Mandiyāābe.

<sup>23</sup> Kè Sedeṣṣ bè tēñné ke dṛ: N yí yó ndi baké, m birε me nyí yó ndi baké ti Yiè nKuyie nkuù yó ndi baké.

<sup>24</sup> De kó difṣnkúò ké bè nàké ke dṛ: N yóó di mṛṛ dèmarè nde, bá wè di miεke ò m pā mumámáá ntingenti di éiní tì miεke.

Isimayεeribe do mṛke desṛmámánnè nde. Be kó meborime do mme.

<sup>25</sup> Kè bèε yienko ke dṛ: Ti bo dè nda pā. Kè bèε pité kuyàdkù ketenkè kéndèi bè éi ntì nenti miεke mumámáá mùmáà mùmáà, ke dṛunko ku ìnkè.

<sup>26</sup> Desṛmámánnè bè ò pāmmú dè, de kó kucéékù do bo cìdòòbè sipísidè ndi, kè bèε yíé kóò pāmmú yetootāre nè tiyaàsààtì tiwūṣtì, Mandiyāābe kpààtìbè do daati tì nè tisāti yòyóbè do duuku tì.

<sup>27</sup> Kè Sedeṣṣ túóté de kó mesṛ nkédòònè tetenkaanitè ké tè còñné Ofidaa o ei miεke, kè Isidayεeribe mbáá nde kó tetenkaanitè kè tèε naá ndidìntàri Sedeṣṣ nè o cṣètè kṛbe kpéi.

<sup>28</sup> Mεmme Isidayεeribe namè Mandiyāābe, ké bè bṛ mbá bè ténke í nna ke ité, kè Isidayεeribe ei mbo meomṛpùmè miεke ke dṛ yεbie nsipísinàà, Sedeṣṣ fṛmmu mumṛu miεke.

<sup>29</sup> De kó difṣnkúò kè Soasi birε Yedubaadi kò nkémbo o cṣètè.

<sup>30</sup> Sedeṣṣ do mṛke initidabí sipísiyiekè ndi ò pεitémè, o pobè do í sénní.

<sup>31</sup> Kòo pocēnnì dīi bo Sisemmu kè dīi ò pεité denitidabirε kòò dè yu ke dṛ: Abimedeki.

32 Soasi bire Sedeõõ do kòtému mediè nkè meborime nhò naati kòò yàa kúnè, kè bèè ò kúnne o cice Soasi fōti, Ofidaa Abiesee tempē mmiēke.

*Isidayeeribe wēte ke domè*

33 Sedeõõ ku dii mōnni kè Isidayeeribe wēte kēfié yebokè Baadibe kētúóté dibòò Baadi Bediti kédòò be kó kuyie.

34 Isidayeeribe ténke í ndenniní ti Yiè nKuyie nkpréi kùù do bè deeténè be dootitòbè bèè bè fité.

35 Bè ténke í ndake Yedubaadi Sedeõõ cīètè kpréi, ò do bè dòò mēè sàà ndo dò mbè ndakemu te kpréi.

## 9

*Bè p̄r̄mè Abimedeki tikpàti Sisemmu*

1 Kè Yedubaadi bire Abimedekii kote Sisemmu o mannìkù kénákè o yō tābè kó kunaàmunkù kumou ke dò:

2 Bekénè Sisemmu èi kó bekótíbè ke dò: Bè dó Yedubaadi bí sipísiyiekè bo mbè bakémàà, kè bè dó onitì òmàà bo mbè bakémè? Bè né báá yè n tumè be cīètè kou nwe!

3 Kè bèè kote ké tì nàké Sisemmu èi kó bekótíbè kè bèè tāāté Abimedeki ò tu mēè kpréi mbe kou.

4 Kè bèè deite Baadi-Bediti kó idíítí miēke medítíbiì nsipísiyiekè kóò duó, nkòo túóté de kó idíítí kényietí benititetìbè nè becièmbè kè bèè ò neinè.

5 Kè bèè kote Ofidaa o cice Yedubaadi cīètè, kékua o bí sipísiyiekè dimōnni dimàà miēke, kòo sám̄pòù Yotammu weè maa na kēsari kényenté.

6 Sisemmu èi kó bekótíbè nè dihei kabe nè Beti-Midoo kabe kè bèè tíí nkékote Sisemmu kó mutie borè ditāri còm̄mú dè, bè de mpī nhAbimedeki tikpàti.

*Yotammu kó dináàhāntiri*

<sup>7</sup> Yotammu tì kèè dìì m̀ǹǹǹ kédèkè Karisimmu tārì, k̀p̀ĩ̀k̀k̀ ǹè o ẁr̀ím̀ú m̀m̀òu kè d̀: Sisemmu èì k̀òbè, n k̀énténè k̀è Kuyie ndí k̀énté!

<sup>8</sup> Dètie ndèè do ỳè ndè d̀ó okp̀à̀t̀ì, k̀énáké odif̀f̀è kè d̀: Á nti baké.

<sup>9</sup> K̀è odif̀f̀è d̀è t̀è̀ǹné kè d̀: M bo ỳóu m bo mpèímè yèbè k̀è b̀è diinè m̀k̀ùò yèb̀k̀è ǹè benitibè d̀è d̀ómè, k̀ékòtè k̀éntú m baké detiennaà?

<sup>10</sup> K̀è dètie nnáké fikíè kè d̀: F́ nni nti baké!

<sup>11</sup> K̀è fikíè d̀è t̀è̀ǹné kè d̀: M bo ỳóu m bo mpèímè yèbè ỳèè ẁè̀t̀ì k̀ékòtè k̀éntú m baké detiennaà?

<sup>12</sup> K̀è d̀èè s̀ò̀t̀é k̀énáké f̀ínyĩ kè d̀: F́ ntũ nni nti baké.

<sup>13</sup> K̀è f̀ínyĩ d̀è t̀è̀ǹné kè d̀: M bo ỳóu m bo mpèímè yèbè m̀enàà k̀p̀eyè yèb̀k̀è ǹè benitibè d̀è d̀ómè, k̀ékòtè k̀éntú m baké detiennaà?

<sup>14</sup> K̀è dètie nyóu k̀éẁènné k̀énáké tipotì kè d̀: F́ nni nti baké!

<sup>15</sup> K̀è tipotii d̀è t̀è̀ǹné kè d̀: K̀è di m̀ènke d̀ómu m bo ntúmè di k̀óo k̀p̀à̀t̀ì k̀òtènèní k̀éndíéké n k̀ó m̀edèè. K̀è di m̀e nyetè muhãá mbo ỳènní m mièkè k̀è di c̀óu nkétaunnè dètie ndierè ditārì Dimaa k̀p̀ere.

<sup>16</sup> K̀è Yotammu nsóké o náànti k̀ébéi nke d̀: Díndi tá? Di ỳèmmè í di bekùnè di p̀ĩ̀m̀m̀è Abimèdèki tikp̀à̀t̀àà? Di d̀òò d̀è Yedubaadi c̀f̀è̀t̀è d̀è wennimaà? Ò di d̀òò m̀èè s̀àà ndi m̀e nhò yietáà?

<sup>17</sup> N cice do c̀ĩ̀ǹǹe o buu ndi k̀ékpa ndi k̀p̀éí nke di d̀eetè ǹè Mandiyã̀bè.

<sup>18</sup> K̀è di né ité yíè nke dokùnè o c̀f̀è̀t̀è kè k̀ùò o bí sipísìyiekè dim̀ǹǹǹ d̀imáà kè p̀ĩ̀ nho pocẽmbire Abimèdèki tikp̀à̀t̀ì ò tu m̀èè k̀p̀éí ndi kou.

19 Kè di yèmmè í di bekùnnè di dòò dè Yedubaadi nè o cīètè de kpéí ndí yà Abimèdeki kó mesàà nkòo yà di kōme.

20 Kè mèè dake Abimèdekii tuò nSisemmu èi kàbe nè Bèti-Midoo kàbe muhãã nkè bè múnkèe ò tùò mmuhãã.

21 De kó difōnkúò kè Yotammuu coké kékote kénsori Bedaa, ò do dé o tebite Abimèdeki nwe.

*Sisemmu kàbe yetemè Abimèdeki kpèti*

22 Mèmmè kè Abimèdeki mbaké Isidayeeriibe ke dò yebie nyètããti.

23 De kó difōnkúò kè Kuyie nduōnní meyèmmè mèè bo nte kè Sisemmu èi kó bekótibè nè Abimèdeki kè bèe sīnte, mèmmè kè bèe yete Abimèdeki kpèti.

24 Yedubaadi bí sipísìyiekè Abimèdeki do kùò ì kó kusīnkù kuù ò tùàkení wenwe nè Sisemmu èi kàbe. Kè yé bèè do ò teennèmè kòo bè kùò.

25 Mèmmè kè Sisemmu èi kàbee sori kèhoo mbenitibè ditāri ìnkè kè bè ndimmù bèè pēnkù dēborè ke fekù be kperè kè Abimèdekii ti kèè.

26 Diyiè marì kè Ebeedi bire Kaadi tuōkení Sisemmu ke nēinè o tebìí. Kè Sisemmu èi kàbe bēmu ò duó mbe yèmmè,

27 kēnkūōti be paa, kētōũ fīnyī kó yebe, bè dòòrinè yè menàà, ke yè niù kédòò dibanni, kékote be kó dibòò tou kényo nke yò nke sãã nhAbimèdeki.

28 De mōnnì kè Ebeedi bire Kaadi bè beke ke dò: Abimèdeki tu we kè weè bo mbaké Sisemmu kè ti ò bùó? Yedubaadi bire nè o ãpōnkóti Sebuudi bèè dò nkémbúó, Amòò èi kàbe bèè te Sisemmu, ti bo nhò bùó ba nképí?

29 Kè Ebeeri bire Kaarii sōtè ke dò: Kè Sisemmu èi kàbe do bo yie nké n tūnne n na mbò nhAbimèdeki,

n na nhò nàké ke dò: Fí nnè a ããpòmbè báátínè kè ti kpa!

<sup>30</sup> Sebuudi weè do tú de kó dihèi kóo kùmàndàà, kékéè Ebeedi biré Kaadi nàá nti kè dèe ò yonke.

<sup>31</sup> Kòò t̄s mbenìtibè disòrì kè bèe náké Abimedeki Ebeedi biré Kaadi tùðkenímè ke sukii benìtibè kè bè bo ò b̄.

<sup>32</sup> Kòo yíe kòo nùù dò nè de kpéi nwèe íte keyènkè nè o kó benìtibè kékote dikpáà kénhoke.

<sup>33</sup> Kè bèe pike yè dikũnweñni sèi kèdo dihèi, kè bè yènní ke bo ò dokénè wèe bè d̀̀̀ ò dómè.

<sup>34</sup> Mèmme Abimedeki nè o kabe kè bèe íte keyènkè kètoté yeñrè yènáà, kékote kénhoke ke tókénè Sisemmu.

<sup>35</sup> Ebeedi biré Kaadi yènní dii m̀̀nni nè o kabe, ke cómmáò dihèi kó dibòrì, Abimedeki nè o kabe kè bèe ootení.

<sup>36</sup> Kaadi yà dii m̀̀nni dit̄ñni kénáké Sebuudi ke d̀̀̀: Dihããpònt̄ñni mari dii cutiní dit̄rì kè Sebuudii ò t̄ènné ke d̀̀̀: Dit̄rì fènkù nku a wúómmè ke tú benìtibè.

<sup>37</sup> Kè Kaadi nyetíró ke tú, benìtibè mbe kè bè cutiní dit̄rì kè betòbè kèríní Mubòotie mbíékè.

<sup>38</sup> Kè Sebuudii ò t̄ènné ke d̀̀̀: Fíò̀̀ baa do nàá nke tú Abimedeki tu we kè weè bo nti bakáà? A do sènkèrì wè weè tùðkení nè o nìtibè. Kote kóò dokénè.

<sup>39</sup> Mèmme kè Kaadi báátí kèniité Sisemmu eì kabe kè bè bo dokénè Abimedeki.

<sup>40</sup> Kè Abimedeki mbe bèti kè bèe coké kòo mbè kò̀̀ti ke bií káá ndihèi kó dibòrì.

<sup>41</sup> Mèmme kòo mbo Aduma kè Sebuudi bèti Kaadi nè o kabe bá bè í nna kèmbò Sisemmu.

<sup>42</sup> Kè dèe wenté kè Sisemmu eì kabee yè ke bo dokénè Abimedeki.

43 Kòò tì kèè kètúóté o nìtìbè ké bè toté yetĩrè yètããti kè bèè kàte kénhoke, kè bè nyetìní dihèi kè bèè bè poté.

44 Abimedeeki nè o kàbe kè bèè cārike kébāa dihèi kó dibòri kè yetĩrè teyè yèdéé yèè kpaá, kè yenyè me ntó puotì dikpáà kàbe ke kàù.

45 Kè Abimedeeki ntũũ kénkuuri dihèi ké di pònte páíi kékúò di nìtìbè, kédeè ké di yáá mukókúó.

46 Mikidadi Sisemmu èi kàbe tì kèè dìi mǎnni kékàte kéta dibòò Èdi-Bediti tādènkù.

47 Kè bèè náké Abimedeeki Mikidadi-Sisemmu èi kàbe tìimmè deborè.

48 Kòò túóté o pĩètè kédeke Sadimòò tārì, kékõũ kudòú kèbuuté, kénáké o nìtìbè ke dǎ: Dòònè n dǎòmè.

49 Bá wè kòò kõũ kudòú kèbuuté kóò tũnne kè bèè kàte ké ì còú mbè bo kùù tādènkù kécóu nkè dèè cóuté bèè bo de mièke. Bè bo ntùòke tekoupiítè (1000), benitidaabè nè benitipòbè.

### *Abimedeeki kumè*

50 De kó difǎnkúò kè Abimedeekii kàte kédò Tebesi èi kàbe ké bèè na ké dì fiète.

51 Ditou kperì marì dìi do bo de kó dihèi cuokè, ke mummu kè bèè di kpetínné kédeke kudànkù, benitìbè bemòu, beheikènkótìbè nè benitidaabè nè benitipòbè.

52 Kè Abimedeekii kàtoo ke bo bèè pi, kètóónko ditou kó dibòri borè ke bo dì còu.

53 Dende onitipòkù mòù bǎnténímè dinàà kébóté o yuu kèpònte.

54 Memè Abimedeeki péimmè odapàà nwèè tǎo kparìnentì ke dǎ: Kpate a siè ké n kuò bèè yàà bo nnáa nkè tú onitipòkù weè n kùò.

Kòò kóò tǎntì ò kũũ disiè kòò kú.

<sup>55</sup> Isidayeeribe yà dīi mōnnī Abimedeeki kumè bá wè kòo kò nho cīētè.

<sup>56</sup> Mēmme Kuyie nyietimè Abimedeeki meyi nhò dōòmè o cice ke kùò o tebīi sipísiyiekè.

<sup>57</sup> Sisemmu èi kōbe kó kuyonku kpéi ndo te kè bèe yà meyi nYedubaadi birè Yotammu do yē mmèè yóó bè tūòkení, demou kè dèe bè tūòkení.

## 10

### *Todaa*

<sup>1</sup> Abimedeeki ku dīi mōnnī kè Pua birè Todaa, Dodo yaàbire wèè ò cōuté kédεεté Isidayeeribe. Todaa do tú Isakaa naàmùnkù kou nwe ke bo Samii Efadaimmu tārī ìnkè.

<sup>2</sup> Kòo nni Isidayeeribe ke dō yebie nsipísidé nè yetāāti kékú kè bèe ò kūnné Samii.

### *Yaii*

<sup>3</sup> De kó difānkúò kè Yaii Kadaadi èi kouu ò cōuté kémbaké Isidayeeribe ke dō yebie nsipísidé nè yèdèè,

<sup>4</sup> kémòke initidabí sipísitāāti kè ì dèkù sāmmarímúbè sipísitāāti ke mōke yehékè sipísitāāti Kadaadi tenkè mièke. Bè kraá yu de kó yehékè nè yīenní ke tú Yaii ekesí nsi.

<sup>5</sup> Kòo kú kè bèe ò kūnné Kamōnni.

### *Amōniibe domè Isidayeeribe mudoo*

<sup>6</sup> Kè Isidayeeribeεε wēte kédōò ti Yiè nKuyie nyí dó dè, kéfíe yebókè Baadibe nè Asitaditeebeε nè Sidii kōbe kpεye nè Sidoniibe kpεye nè Mōabiibe kpεye nè Amōniibe kpεye nè Fidisitēēbe kpεye, kényóu ti Yiè nKuyie mbá bè ténke í nkù tū.

<sup>7</sup> Kè ti Yiè nKuyie mmieke bè peike, kè kùu bè ānné Fidisitēēbe nè Amōniibe nōu mièke,



<sup>8</sup> Kétúóté de kó dimònni kétuàkenè yebie ntepítè nè yèni kè bè nfěũnko Isidayeeribe, bèè kó dimàà bo kukó nSuditěě yáà, Aməriibe tenkè Kadaadi tempě nke bè diinko mesémmè.

<sup>9</sup> Kè Aməniibe séntení Suditěě ke bo dokénè Sudaa nè Bensaməe nè Efadaimmu be naàmuntì kəbe. Kè Isidayeeribe yěmmèe caàrè mediè.

<sup>10</sup> Kè bèe kuónnè ti Yiè nKuyie nke dò: Ti caàrèmu mediè nti da yóumè fí nwèè ti te, ke feu yebəkè Baadibe.

<sup>11-12</sup> Kè ti Yiè nKuyie mbè těnné ke dò: Esibiti kəbe nè Amədiibe nè Aməniibe nè Fidisitěěbe nè Sidoniibe nè Amadesiibe nè Mađniibe bè do di fěũnko kè di n kuónnè kè n yí di deetáà?

<sup>13</sup> Nè memme kè di n yóu ke feu yebəkè, deè te kè n ténke í yóó di deeté.

<sup>14</sup> Yebəkè nye di täätemè, yúnè ye tũnké kè yè di deeténe mesémmè.

<sup>15</sup> Kè Isidayeeribe těnné ti Yiè nKuyie nke dò: Ti caàrèmu, ti í dòò a dómè! A né ti deeté kuu.

<sup>16</sup> Bè me nyĩ kėpíe nyebəkè, ti Yiè nKuyie nténke í nna ke bo yóu kè bè nsəké ke bè fěũnko.

<sup>17</sup> Kè Aməniibe tí nkébaté Kadaadi, kè Isidayeeribe tí nkébaté Misipaa.

<sup>18</sup> De mònni Kadaadi ei kəbe nè beheikènkótíbè kè bè mbékú betəbè ke tú: We nsàà bo kəte kədokénè Aməniibe? Kè wèè bè dokénè wèè yóó naà nKaadaadi kóo kpààti.

## 11

*Sefutee naámmè Isidayeeribe kóo kpààti*

<sup>1</sup> Onitì mǝu wèè do bo Kadaadi kè bè ò yu ké tú Kadaadi, kòo duónè onitipòkù mǝu wèè dǝuti

doutinè benitidaabè kè wèè ò peiténè denitidabire, kòo dè yu ke dò Sefutee, kòo ntú okpàriteu mediè.

<sup>2</sup> Kè Kadaadi pokù múnkee ò peiténè ibí kè ìi kóténí kébèti Sefutee, kóò nàké ke dò: A báá ti wēnnénè kétieke ti cice kperè ti í wē nti yō.

<sup>3</sup> Mènme kè Sefutee íté kédéténè o tebìi kékote kэмbo Tobu tempē. Kè itookperí yembèè ò sǎńkóo kè bèè wēnné kénkòrì dikpànnì.

<sup>4</sup> Kè dèe yíé kéməntoo sámpó kè Aməniibe do Isidayeribe mudoò.

<sup>5</sup> Mudoò itè dìi mənñi kè Kadaadi èi kó bekótíbèe kote Tobu tempē nSefutee wammù,

<sup>6</sup> kóò yà, kóò nàké ke dò: Kətení kəniité ti kó behǎǎpòmbè kè tí na kédokénè Aməniibe.

<sup>7</sup> Kè Sefutee bè tēnné ke dò: Dè í tú dīi do n yete ké m beti n cice cǐtǎà? Dè yīme kè di ta mesémme miéke ke cokéní m bíékè?

<sup>8</sup> Kè bèè ò tēnné ke dò: Ti kətení a borè ke dó a kətoo kè tí wēnné kédokénè Aməniibe mbe kàa ntú ti kóo kpààti kémbaké Kadaadi oməu.

<sup>9</sup> Kè Sefutee dò: Kè n di neinè mudoò kè ti Yiè nKuyie nyie nkè m bè na, míi yó ntú di kòo kpààti.

<sup>10</sup> Kè Kadaadi kó bekótíbèe ò nàké ke dò: Ti Yiè nKuyie nti wúómmu, tíi bēi nke tú ti bo dǎò a bēi nti timəu.

<sup>11</sup> Kè Sefutee neinè Kadaadi èi kó bekótíbè, kè bèè ò tǔóté kòo mbaké behǎǎpòmbè, kè bèè kote Misipaa kè Sefutee wēte kébéi ti Yiè nKuyie nyiikè ò do nàké tì bekótíbè.

### *Sefutee nàké tì Aməniibe kpààti*

<sup>12</sup> Kè Sefutee tǒ nkè bèè nàké Aməniibe kpààti ke dò: Sefutee tu, ànti bo di cuokè fǒ nnè we kàa bàátí ke bo ò do mudoò?

13 Kè Amõniibe kpààtì bẹ̀ tẹ́nné ke dọ̀: Isidayeeribe yènní dìì mọ̀nnì Esibiti, de mọ̀nnì ndi bẹ̀ fiètemè n tenkè, kẹ́túóté Adinọ biriku kẹ́tuọkenè kukó nSabọki kẹ́tuọkenè Suditẹ́ biriku. Wẹ̀ tí duó nti tenkè meyoðmmè.

14 Kè Sefutee wẹ́te kẹ́tọ̀ mbetọ̀bẹ̀ Amõniibe kpààtì borè.

15 Kè bẹ̀ bo ò nàké ke tú: Isidayeeribe do í fiète Mọabiibe nè Amõniibe tenkè makè.

16 Bẹ̀ yènní dìì mọ̀nnì Esibiti kẹ́ta dikpàà ndi dibiri miẹke, kẹ́tuọke dàméèrì tipèntì kou, kẹ́pẹ́tẹ̀ kékọ́te Kadeesi.

17 Bẹ̀ do de mbo kẹ́tọ̀ nkè bẹ̀e náké Edõmmu kọ́o kpààtì kọ̀ò bo bẹ̀ pā kuce kẹ̀ bẹ̀e pẹ́tẹ̀ o èì miẹke, kọ̀o yete kẹ̀ bẹ̀e sọ́tẹ̀ kẹ́mọ̀ Mọabu kou kuce kọ̀o múnkẹe yete, kẹ̀ bẹ̀e yóu kẹ́mbo Kadeesi.

18 Bẹ̀ de nyitẹ̀ kékẹ́tẹ̀ dikpàà, kẹ́mpẹkénè Edõmmu nè Mọabu ekè, kẹ́tuọke Mọabu èì diyiè yìèní kẹ̀è bíékè, kẹ́bátẹ̀ kukó nhAdinọ yàà bẹ̀ í nta dihèì. Adinọ wẹ̀ do tú Mọabiibe tenkè m̀nku.

19 Bẹ̀ de mbo kẹ́tọ̀ nkè bẹ̀e náké Sionni Amõdiibe kpààtì Esibonni èì kou ke dọ̀: Isidayeeribe tu a bẹ̀ pā kuce kẹ̀ bẹ̀e pẹ́tẹ̀ a èì miẹke, kékọ́te bẹ̀ kọ̀ri kẹ̀.

20 Bá Sionni í nhò tá, kẹ́yete kẹ́tíí nho ǎǎpòmbẹ̀ Yaasi èì kẹ́báátí kẹ́do Isidayeeribe mudoò.

21 Kè ti Yiè nKuyie nyIsidayeeribe tũ nkùu duó nkè bẹ̀e na Sionni nè o nìtibè, kẹ́fiète o tenkè kemou,

22 kẹ́túóté Amõriibe tenkè kemou kẹ́ketẹ̀ Adinọ kubiriku kẹ́tuọkenè kukó nYaabọku, kẹ́túótẹ̀ dibiri kọ̀ dikpàà kẹ́tuọkenè Suditẹ́.

23 Tí Yiè nKuyie ntínti Isidayeeribe tũ nkù, kuù duó nkè ti fiète Amõdiibe tenkè kẹ̀ f́ nné dọ̀ kẹ̀ kẹ̀ cọtáá?

24 A kọ̀ dibọ̀ Kemọ̀si da duómmu ketenkè kàa kẹ̀

te. Ti Yiè nKuyie nti duó nkè, ti kòke nke, kè ti dò nké nkè te.

<sup>25</sup> A yèmmè dò nha kpeñnìnèmu Sipɔɔ bire Badaki Mɔabu èi kóo kpààtàà? Ò í wammú nè Isidayeeribe dikpànni, ò í bè dokénè.

<sup>26</sup> Nè Isidayeeribe bomè Esibonni èi nè di pèémmè nè Adowee èi nè di pèémmè nè Adimɔɔ pèémmè kpeye dè m̀ake yebie nsikɔusitããti ndi (300), dè yĩme kè di í cɔuté de kó ketenkè nè yíenní?

<sup>27</sup> N yí da cààrè mùmamù, f̀s̀ò n wèńté ke n dónè dikpànni. Ti Yiè nKuyie nkuù bo ti púté yíe ntínti Isidayeeribe nè díndi Amɔniibe.

<sup>28</sup> Kè Amɔniibe kpààtìi yete Sefutee nàké tì.

### *Sefutee dɔ́unnèmè Kuyie ndinùù*

<sup>29</sup> De m̀onni kè ti Yiè nKuyie nYaá ncúténí Sefutee ñnkè, kòo íté kéce nKadaadi tempè nyimɔu, nè Manansee kpeyi kèpèéťé kékote Misipee késɔoténè Amɔniibe tenkè,

<sup>30</sup> kédɔ́unnè ti Yiè nKuyie ndinùù ke dò: Ti Yiè nKuyie nkàa duó nkè n na Amɔniibe,

<sup>31</sup> m bo nkūntiní kè wèè niitè káyènní oketiwè n cĩèťé kè n co, m bo wè nda pã, ke wè nda kuɔ kétuɔ.

<sup>32</sup> Mèmmè Sefutee tamè Amɔniibe tenkè kè bè do, kè ti Yiè nKuyie nduó nkòo bè na.

<sup>33</sup> Kè kùu ò teennè kòo bè poté káfiete yehékè sipísidè kétúóté Adowee, dihei dii t̀kénè Miditi kénťɔ kétuɔkenè Abedi-Kedamimmu kè bè auté mediè, kè Amɔniibe b́úté Isidayeeribe.

<sup>34</sup> Mudoò dèè dii m̀onni kè Sefutee nkūntiní o cĩèťé Misipaa, kòo kóo sapàa nweè yènní kóo co ke bie ndibàrì ke auti. Ò do we mmàke omáà.

35 Sefutee ò yàní dìì m̀ònnì kékèté o yààtì kékúónko ke d̀ò: M birɛ a cààrè n yèmmè mme ke n k̀ute, n d̀óunnè ti Yiè nKuyie nku dinùù, n t̀énke í yóó na ké di kpàte.

36 K̀òo k̀òo sapàà nhò t̀ènné ke d̀ò: K̀àa d̀óunnè ti Yiè nKuyie ndinùù n d̀ònnè a dì nkù d̀óunnè ke yè mmù ke yé kuù da teennèmè k̀àa na a dootitabè Am̀oniibe,

37 k̀éyí kébèi nke d̀ò: A né m p̃a m̀fíè mbetã̀bè bèdébè kè n deke dit̃ari ìnkè nè n dú̀bè kékòmmú n yóó kùmè ke í ỳtè onitid̀ù.

38 Kè Sefutee ò p̃a kuce k̀òo deke dit̃ari nè o dú̀bè, ke d̀ò betã̀bè bèdébè, ke kuò nhò yóó kùmè ke í ỳtè onitid̀ù.

39 Betã̀bè bèdébè d̀èè dìì m̀ònnì k̀òo ẁtɛní o cice borè k̀òo ò d̀ònnè ò d̀óunnè dìì nùù ti Yiè nKuyie. M̀em̀me ò kumè ke mu nyí ỳtè onitid̀ù. Kè d̀è naá nyIsidayɛɛribè kó ikuó.

40 Bá dìì benni kè benitipòbè ò̀ k̀ote kékòmmú Kadaadi kou, Sefutee birɛ kpéi nke d̀ò yewe yènàà.

## 12

### *Efadaimmu k̀obe kpannèmè Sefutee*

1 Diyiè marì kè Efadaimmu k̀obe tíí nkénei, k̀ésénté kukó nkékote Saf̀ò̀, kénáké Sefutee ke d̀ò: D̀è d̀òmmè k̀àa k̀ote ke dokénè Am̀oniibe bá a í ti yu kè ti bo da teennè? Ti yóó cóummu a c̀tè kè da ẁennénè.

2 Kè Sefutee bè t̀ènné ke d̀ò: Mí nnè n nìtìbè ti do m̀òtɛnè Am̀oniibe tinà̀ntì kè n di yúmu, di m̀e nyí nk̀tɛní ke bo n d̀ɛtè.

3 M banté dìì m̀ònnì di í k̀orinímè ke bo n teennè, d̀e m̀ònnì ndi nc̃innèmè m buu ke k̀ote ke bè do, kè

ti Yiè nKuyie mme mbè ànné n nɔu miεke. Dè yĩmè kè di bàátí yíe nke bo n kpannè?

<sup>4</sup> Mèmmε Sefutee tiiimmè Kadaadi kɔbe bεmɔu kè bèε do Efadaimmu kɔbe mudoò ké bè na. Efadaimmu kɔbe bèε do nàké bèmbε Kadaadi kɔbe ke dɔ: Di tú Efadaimmu kɔbe mbε ke coké ke kàte ke bo Manansee kɔbe cuokè.

<sup>5</sup> Dε kó difɔ̀nkúò kè Kadaadi kɔbεε dinté Efadaimmu kɔbe kémbaa kukó nSuditɛɛ tεpure kè wèε cootini ke dɔ késénté bèε ò beke ke dɔ: A tú Efadaimmu kou nweà?

Kòò yĩ: Áà.

<sup>6</sup> Bè dɔ wèε béi nke dɔ: Sibodεε. Kòò yĩ: Ci-bodεε. Ke í na ke béi ndε kó ditannùu weti weti bèε ò pĩ nkéféúté kukó nSuditɛɛ borè. Kè bèε kuɔ Efadaimmu kɔbe sikɔupírísìnàà nè sikɔupírísidé (42000) dε m̀nni.

<sup>7</sup> Kè Sefutee Kadaadi botí kou mbaké Isidayεεribe ke dɔ yεbie nyèkùò, kékú kè bèε ò kũnné o εi Kadaadi bè ò peité di.

*Bè nàkémè Ibusãã nè Enɔɔ nè Abunɔɔ bε kpéi*

<sup>8</sup> Sefutee kó difɔ̀nkúò kè Ibusãã Bεtideεmmu kou wèε ò cɔuté, kémbaké Isidayεεribe,

<sup>9</sup> képeité initidabí sipísitàāti, initipobí sipísitàāti, kéduó nho sapàmbè ibotí tɛi kè ìi puoke, kòò túóté ibotí tɛi kó besapàmbè képuó nho bí, kémbaké Isidayεεribe ke dɔ yεbie nyèyiekè,

<sup>10</sup> kékú kè bèε ò kũnné Bεtideεmmu.

<sup>11</sup> Ibusãã kó difɔ̀nkúò kè Edonni Sabunɔɔ botí kouu baaté Isidayεεribe ké mbè baké ke dɔ yεbie ntepíítè,

<sup>12</sup> kékú kè bèε ò kũnné Ayanɔɔ Sabunɔɔ tempè mmiεke.

13 O kó difõnkúò kè Ideedi birε Abudonni Pidatõõ  
 εì kouu ò còuté kέmbakέ Isidayεεriβε,

14 kέπειté initidabí sipísìnàà o yaabí sipísitàāti  
 kè bè ndekù sāmmarímúbè sipísìyiekè kòo mbakέ  
 Isidayεεriβε ke dò yeβie nyèni,

15 kékú kè bèε ò kūnné Pidatõõ Efadaimmu tempē  
 mmiεke Amadesiibe tāri.

## 13

### *Bè peitémè Sānsõõ*

1 De mōnni kè Isidayεεriβε τό δαὸ ti Yiè nKuyie nyí  
 dós dè, nè de kpéi nkè kùu bè ānné Fidisitēēβε nou  
 miεke yeβie nsipísìnàà.

2 Ke sś nhoniti mōu bo Sodaα εì miεke, Danni  
 naàmùnkù, kòo yètìrì tu Mandoα. Bá o pokù í mαke  
 δεβire.

3 Diyie mari kè ti Yiè nKuyie ntõnni kòtení de kóo  
 nitipòkù borè kódè nàké ke dò: N yému ke dò nha tú  
 tēhāunte ke í mαke δεβire. Nè memme α yóó púómmu  
 kέπειté denitidabire,

4 kétúóté yie nnè yeve yèè kpaaní α bá nyō ndiféè  
 nè menα nsōmmε mèè muδ, α bá nyo ntidiiti ikuó  
 yete ti.

5 A yóó púómmu kέπειté denitidabire, kuponkù  
 báá kááké de yuu, α yó ndè peini kè dè pānke tú ti  
 Yiè nKuyie nkπεε ndε, weè yóó keté ò bo δεεtéme  
 Isidayεεriβε Fidisitēēβε nou miεke.

6 Kòo nitipòkùu ta kénáké o δαὸ ke dò: Ti Yiè  
 nKuyie nkóo niti mōu weè kòtení m borè ke donnè  
 ti Yiè nKuyie ntõnni kè nh ò yà kè n kōmbùàti dò n  
 yí na koδ beké ò yènni dè ò me nyí n nàké o yètìrì.

<sup>7</sup> Ò n nàké ke tú m bo púo nképeité denitidabire, ke tú kétúóté yíe nnè yewe yèè kpaaní mbá nyò ndiféè nè menaà mmèè muò, m me mbá nyo nyikuó yete tì diiti. Ke tú n yóó peité dèè bire n yó ndè peini kè dè pànke tú ti Yiè nKuyie nkperε nde, kè kù ndè te de fõmmu mumou.

<sup>8</sup> De m̀nni kè Mandoa bántè ti Yiè nKuyie nke d̀: N Yiè nKuyie nyóo k̀o ǹti a t̀nni wèe wètení ke ti náké ti d̀o nkéd̀òmè debire ti yóó peité dè kpéí.

<sup>9</sup> M̀m̀me kè ti Yiè nKuyie nd̀ò Mandoa kù m̀ò tì, kè ku kó dit̀nni wètení onitipòkù borè kénsó nhò bo kupaku bá o d̀u í dè bo.

<sup>10</sup> K̀o coké mecaã nkénáké o d̀u ke d̀: Oǹti wèe sòo k̀tení m borè ò wètenímu.

<sup>11</sup> Kè Mandoa pànkeε neinè o pòkù kè bèe kate de k̀o ǹti borè k̀o ò beke ke d̀: F̀ò̀ sòo béinnè we nnitipòkàà? K̀o d̀: Eε, mí nwe.

<sup>12</sup> Kè Mandoa d̀: A béi ǹti bo d̀ò d̀i m̀nni ti d̀ò nkéd̀ò òmme de kó debire kpéí? Ti bo t̀nne ònyi kuó?

<sup>13</sup> Kè ti Yiè nKuyie nkó dit̀nni d̀: N yè nhonitipòkùu yóo dèè kó dimàà wèe dè yóu.

<sup>14</sup> Ò bá nyo ndèmarè bè d̀ò̀nè dè mutie bè tu mù f̀nyĩ mu be, ò me mbá nyò̀ mmu kó menaà mbè tu mè diféè yoo menaà mmèè kó dimàà muò. Ò bá nyo ntidiiti ikuó yete tì, ò ntũ n kuó mesàà.

<sup>15</sup> Kè Mandoa náké ti Yiè nKuyie nkó dit̀nni ke d̀: Nkpaá kè n da d̀ò kupò̀kù ke da kuò dib̀bi.

<sup>16</sup> Kè ti Yiè nKuyie nkó dit̀nni ò nàké ke d̀: Bá kè n kpaá k̀a n d̀ò kupò̀kù n yí yóó di, k̀a d̀ò a bo na ké dè pã ti Yiè nKuyie nkétuò.

Mandoa í mbanté ke d̀ò ti Yiè nKuyie nt̀nni ndi,



<sup>17</sup> kòò beke ke dò: A yètìrì tu ba? Kè dèe yie nkè ti na ke da sante a béi nti bo daò diì mòmni.

<sup>18</sup> Kòò dò: Dè dòmme kàa bèkú n yètìrì? Dì tu diyetidièrì ndi.

<sup>19</sup> Kè Mandoa ò kùò dibəbii nè dipänni teri, ké dè təní kédáá nkupèrikù ìnkè, ké dè pã ti Yiè nKuyie nkùò dòòri tidietì, ké dè tùò, wenwe nè o pòkù kè bè ncómmú ke wúó,

<sup>20</sup> nkè fehāādēēnfè dèkù keīnkè, kè bèe yà ti Yiè nKuyie ntōnni itémè ke deèti keīnkè fehāādēēnfè mieke, kénínkú késīnnóo ketenkè.

<sup>21</sup> Kè Mandoa banté ti Yiè nKuyie ntōnni ndimè, di me nténke í nwētēnì be borè.

<sup>22</sup> Kè Mandoa náké o pokù ke dò: Ti me nyàmè ti Yiè nKuyie nti yóó kúmu, dè í məke kpèrè.

<sup>23</sup> Kòò pokùu ò tēhné ke dò: Kè ti Yiè nKuyie ndo ndó ke ti kuò kù na bá ncəuté ti pānni, kù me nna bá nti benke ti me nyà dè, kù me nna bá nti nàké kù me nti nàké ti.

<sup>24</sup> Mēmme kè Mandoa pokùu peité de bire ké dè yu ke dò: Sānsōō. Kòò kóté kè ti Yiè nKuyie nkó mesàà nní nhò bonè.

<sup>25</sup> Kòò ríbo Danni kəbe kó dikarì Sodaa nè Esitaadi de cuokè. Ti Yiè nKuyie nYaá de ncùtēnì o ìnkè, kòò keté o tōmmú.

## 14

### *Sānsōō dómè kētúóté Fidisitēēbe kóo sapàà*

<sup>1</sup> Diiyè mari kè Sānsōō kəte Timuna kényà Fidisitēēbe kóo sapàà mməù,

<sup>2</sup> kékonní kénáké o cice nè o yō ke dò: N yà Fidisitēēbe cie nke osapàà mməù koò dó. Kətenè kóò yà, n dó kóò puokemu.

<sup>3</sup> Kòò yembèè ò tɛ́hné ke dò: A í pèté osapàà nti naàmùnkù yoo ti botí miéke ke bo kate Fidisitɛ̀ɛ̀be itayéí yembè cie nke kéwaá nhonitipòkàà?

Kè Sānsɔ̀ɔ̀ dò: N we mpénsirì, katenè kóò yà kè ñh ò tùóté.

<sup>4</sup> O yembè do í yé ke dò ti Yiè nKuyie nkuù ò ãnné de kó meyèmmè ke bo na kénintɛ̀nɛ̀ Fidisitɛ̀ɛ̀be. De m̀nnì Fidisitɛ̀ɛ̀be beè do baké Isidayeribe.

<sup>5</sup> Kè Sānsɔ̀ɔ̀ nkɔ̀ri Timuna ke neinè o cice nè o yɔ̀ kémberínè fínyí kó depaa mmarè, kè diciricirìi íténì kénhũntí koò wetí.

<sup>6</sup> Kè ti Yiè nKuyie nYáá ncúténì o ñnkè kòò di nèté nèté debɔ̀bire tɛ̀mè, ò me nyí nnàké o cice nè o yɔ̀,

<sup>7</sup> kékote kémáánè Fidisitɛ̀ɛ̀be kóo sapàà nkóò pénsirì mediè.

<sup>8</sup> Kè dèe yíé sám̀pó kòò nwɛ̀tiní Timuna ke bo túóté o pòkù, kénkérì kédauté ke bo yà ò sòò kùò dùì ciricirì, kénsó nyice taà de kó kuciriciricirikù kè ticièti ã mekùò.

<sup>9</sup> Kòò dei ticièti kénkérì kécáante ke bíí pã o cice nè o yɔ̀ kè bèe cááké, ò me nyí mbè nàké ò ò ò ò de kó ticièti kuciriciricirikù miéke nke.

### *Sānsɔ̀ɔ̀ d̀̀̀ wèè pètèmpè Fidisitɛ̀ɛ̀be*

<sup>10</sup> Mèmmè kè Sānsɔ̀ɔ̀ cicee tuàke Sānsɔ̀ɔ̀ pocɛ̀nnì cīètè, kè Sānsɔ̀ɔ̀ ãnné dibanni ke bo túóté o pocɛ̀nnì, kéndònnè bedapàmbè bɛ̀m̀əu do m̀akemè de kó memantímè.

<sup>11</sup> Kè Fidisitɛ̀ɛ̀be tãátè bedapàmbè sipísitã̀ti kè bè bo ò cie ndibanni.

<sup>12</sup> Kè Sānsɔ̀ɔ̀ bè nàké ke dò: N yóó di d̀̀̀ pètèmpè nwe, dibanni kó yewe yèyiekè yiè mmiéke, kè di n nàké ò tu mù, n di duó nsiyaàbòò sipísitã̀ti nè dibanni kó yeyaàbòrè sipísitã̀ti.

13 Kè di me nyĩ̀ẽke dũ yó n duó nsiyaàbò sipísitàãti nè dibanni kó yeyabòrè sipísitàãti. Kè bè dò: Petìrè! Ti da kèmmúmu.

14 Kè Sãnsõ dò: Wèè càá nho miẽke nke bè càá ndè yènnímè. Kè denatirè yènní dekperè miẽke.

Kè yewe yàa tuàkenè yètããti bá bè mu nyí pètè de kóo pètèmpè tu mù.

15 Diyiè naanni yiè kè bèè náké Sãnsõ pokù ke dò: Yetoo kàa dõu ti náké pètèmpè tu mù. Kàa me nyete ti da cóu nfó nnè a cĩètè. Di ti yu ke bo feke ti kperè ndèà?

16 Kè Sãnsõ pokù nkonti kóò sãńkè kóò náké ke dò: A í n dó bá sám̀pórè, a n nímmu, dè dòmme kàa dòò pètèmpè m botí kàbe bá a í n náké ò tu mù! Kè Sãnsõ dò: N keté ke í ò náké n cice nè n yõ ke bo ò náké f́ nweà?

17 Kè Sãnsõ pokù baa nkuò ndibanni kó yewe yèyiekè miẽke, diyiè sanni yiè kè Sãnsõ ò náké pètèmpè tu mù, kè yé ò do ò òunèmè. Kòo nitipòkù pànkèe kàte kénáké o kàbe pètèmpè tu mù.

18 Diyiè yiènni yiè kè diyiè nkpaá ke mu nyí ta kè bè tũ̀kení, kénáké Sãnsõ ke dò: Ba nténke naati ke pè̀tè mecekùò? Ba nténke kpeńni ke pè̀tè dicìrìcìrì? Kè Sãnsõ dò: Kè di do í dù̀nè n naaseri, di na bá mbanté de kóo pètèmpè tu mù.

19 De m̀nni kè ti Yiè nKuyie nYaá ncúténí Sãnsõ ònkè, kòo kàte Asikanò kékua benitibè sipísitàãti, kétúóté be yaàbòrè kédúò mbèè banté pètèmpè tu mù, kè bèè dòò tibanyààti. De kó difònkúò kè Sãnsõ ítè nè kemieke kékò nho cice borè.

20 Kè bèè túóté o pokù kédúò nhodapàà nwèè do ni dibanni kó ikuó.

# 15

## *Sānsōō kpānnèmè Fidisitēēbe*

<sup>1</sup> Kè dèe yíéó sámpó mudidèi mǎnni kè Sānsōō kǎte ke bo yà o pokù, ke tǎnè dibǎseri ke bo bè pǎ, ke dǎ ò bo ta o pokù dieku nkòo cǎkù yete.

<sup>2</sup> Ke dǎ: N yèmmè do dǎ nha ténke í ò dǎmu, koò tùóté ke duó nhodapàà nwèè sòò ni dibanni kó ikuó. O nantè me nhò wenninèmu, te ntúóté.

<sup>3</sup> Kè Sānsōō dǎ: Di mmǎnni kè n dǎò Fidisitēēbe meyei nhòmǎu ténke bá nsei.

<sup>4</sup> Mèmmè ò itémè kékǎte kǎpí nyiǎnké sikǎusitǎati (300), ke ní wǎnné idéi kó iyéi kécǎnné kǎwǎnné kǎbóunnè timúti.

<sup>5</sup> Ke me nyí imǎu kédeè kécúu mmuhǎǎ nkéffínko kè ìi ta depǎa nkè tidiiti cóúté, tìi kǎi ke cóú nè tìi kpǎá cómmú, kǎtaunnè detie mbè tu dè fínýi nè odǎfiè kécóúté.

<sup>6</sup> Kè Fidisitēēbe beke wèè dǎò memme, kè bè dǎ: Sānsōō nwe. O cǎkù Timuna èi kou weè ò yetenè o pokù, koò duó nhodapàà nwèè sòò ni dibanni kó ikuó.

Dè mǎnni kè Fidisitēēbe kǎte kécúu nde kóo nitipòkù nè o cice.

<sup>7</sup> Kè Sānsōō bè nǎké ke dǎ: Di mè ndǎò dè, kè n yí pèite de kó dipèi, m báá om̀pè!

<sup>8</sup> Mèmmè ò bè potémè ké be na, ké bè auté mediè. Dè kó difǎnkùò kékǎte kǎmbo Etammu tǎdènkù.

## *Sānsōō kǎmè benitibè nè sǎmmarímú kó muyèi*

<sup>9</sup> Dè mǎnni kè Fidisitēēbe kǎtení kǎbáté Sudaa tenké kǎpité kǎtuǎkenè Deii.

<sup>10</sup> Kè Sudaa kǎbeè bè beke ke dǎ: Dè dǎmmè kè di kǎtení ke bo ti kpānnè? Kè Fidisitēēbe dǎ: Ti kǎtení ke bo pí nSānsōō nwe kóò dǎò ò ti dǎòmè.

11 Kè Sudaa kabe sikoupiṣitāātii (3000) kote Etammu tādènkù Sānsōō borè, kòò nàké ke dò: A í yé ke dò nFidisitēēbe beè ti bakàà? A ti dòò ba memme náke? Kòò bè nàké ke dò: Bè n dòòmè, m me mbè dòò.

12 Kè bèe ò nàké ke dò: Ti kòtení ke bo da boumu kékote ké bè duó. Kè Sānsōō dò: Parikènè ke dò di í yó n kuò di mómmɔ̀mbɛ.

13 Kè bè dò: Áa ti í yó da kuò, ti dó ke dá boumu kékote ké bè duó.

Memme bè ò boumè iwēĩ pànyì idèi kòò dènnení kutādènkù miéke.

14 Bè tū̀kèní dī̀ m̀nnì Deii kè Fidisitēēbe kòtení kòò co ke íutí. Kè ti Yiè nKuyie nYaá cúténí o ìnkè kè iwēĩ bè do ò bou ì naá mmutápeí nkéyote.

15 Kòò yà sāmmarímú bè kuò wè bàm̀bà nho kó muyèi kétúóté kékouñè benìtibè tekoupiítè (1000).

16 Ò me ndèè kébèi nke dò:  
Nè sāmmarímú kó muyèi mmu n kùònèmè benìtibè tekoupiítè (1000).

Nè sāmmarímú kó muyèi mmu m bè mèǹnè mèǹnèmè.

17 De kó difōnkúò kédootóo musāmmarínyèi mmédétimè. Kè bèe yú deborè ke dò Damati-Deii (dèè tu Muyèi kó ditā̀rì).

18 Ke ś nsinéyēĩ ò poté mediè nkòò kuónnè ti Yiè nKuyie nke dò: Áú! Ti Yiè nKuyie nḡ̀dò duó nkè n na n dootitòbè, ke bè auté kè sinéyēĩ né bo wēte ké m bo nkè itayéi yembè n naà?

19 De m̀nnì kè ti Yiè nKuyie nduó nkè Deii tār̀i yaté kè menie nyenní kè Sānsōō pété káyã, kápété muwḗrímú. Memme kè bèe yú de kó tebinte ke dò: ãã-Koodee, kè tè kpaá bo nè yíenní.

20 Kè Sānsōō mbaké Isidayeribe dokùnè dīi mōnnī Fidisitēēbe ke dō yēbie nsipísidé.

## 16

### *Sānsōō kpetémè Kasaa kó dicàù*

1 Diyèè marì kè Sānsōō kote Kasaa kèyà onitipòkù mōù wèè dōuti dōutinè benitidaabè kéta o borè.

2 Kè dihei yembèe keè Sānsōō dè bomè kécēēte dihei kényié nke baa dibòrì, ke náá nke tú: Dè bo wenté kòo nyetini kè ti ò kù.

3 Sānsōō me nyí nde wenté, keyènkè toté dīi mōnnī ke cuokè, kòo íté kēpī ndihèi bōrì kó dicàù kēwēnnénè di deí kēuuté, kēbuuté, kēdekenè ditāri dīi bo Ebunō ēi ìkè kécónné.

### *Dadidaa fitémè Sānsōō*

4 Kè Sānsōō dōke onitipòkù mōù kòo yètìrì tu Dadidaa kòò bo Sodeki biriku.

5 Kè Fidisitēēbe kpààtibè bènùmmùu kote kèyà Dadidaa kòò nàké ke dō: Yetoo kè Sānsōō da nàké ò pèté dè muwērímú diemù ò me mmōke mù, nè ti bo yīmè kòò na, kòò bou, kòo yākè, ti bo da duó mbá wè medítibii tekōupííitè nè tekòutè (10100).

6 Kè Dadidaa beke Sānsōō ke dō: N nàké a wērímú bonní dè ke cáá. Bè bo da bouñè ba kè mùu yè?

7 Kè Sānsōō dō: Kè bè m bouñè itānwēi sūūyì ìi mu nyí kpeí, n wērímú yèmu memme, kè n naánnè benitibè tōbè.

8 Kè Fidisitēēbe kpààtibèe waanní itānwēi sūūi ìi mu nyí kpeí, kēduó nDadidaa kòò ì nhò bouñè.

9 Ò yóó me nyí kēsōnne benitibè mbe o cīètè miēke, kēdeè kēkuónko ke dō: Sānsōō a dootitōbè Fidisitēēbe tūòkení!

Kòo tôte itānwēī kè dè ndò mmuhāá nhōō cóútémè kuhōū. Bè í nna kényíété o wērímú bonní dè.

10 Kè Dadidaa yíé kóò nàké ke dò: A n daúmu ke n souú, n náké di mmònnì bè bo da bouñè mù.

11 Kòo ò nàké ke dò: Kè bè m bouñè iwēī panyì, bè mu nyí pīñnè ì mutōmmú mamù, de mōnnì n wērímú yóó yèmu kè n naánnè benitibè tǎbè.

12 Kè Dadidaa waá nyiwēī panyì, kóò bouñè, kédeè kékuónko ke dò: Sānsōō a dootitǎbè Fidisitēēbe tūòkení.

Ke sǎ mbenitibè tó sǎri o cīètè mieke, kè Sānsōō tôte iwēī ìì do ò bouú o baà nkè dè ndò mmupààkommú.

13 Kè Dadidaa dò: A sǎké ke n daúmu ke n souñnáà? Di mmònnì n náké weti weti bè bo da bouñèmu.

Kè Sānsōō dò: Kàa bouú n yùtì iyùpāātí iyiekè ke taunnè kuyaàdùòdòú ke baaké. De mōnnì n wērímú yóó yèmu kè n naánnè benitibè tǎbè.

14 Kè Dadidaa dǎò kè Sānsōō yè nkéduó, kòo bouú o yùtì iyùpāātí iyiekè kétaunnè kuyaàdùòdòú kébaaké, kédeè kékuónko ke dò: Sānsōō a dootitǎbè tūòkení!

Kè Sānsōō ente kéhuuténè iyùpāātí kuyaàdùòdòú.

15 Kè Dadidaa dò: A bo yīme kéntú a n dó ke ténke né í n tá. Kuce metāámmè mme mie nkàa n daú ke n souú, mbá a í yie nke n nàké a wērímú bonní dè.

16 Ke baa ntì kònnì yewe yemou Sānsōō borè koò kǎónnè, kòo ò òunè, kè dèè ò bi.

17 Kòo ò nàké ke dò: N tú ti Yìè nKuyie nkou nwe nè bè m peítémè kuponkù í kàáké n yuu, kè bè nkuó n wērímú yóó yèmu kè n naánnè benitibè tǎbè.

18 De mōnnì kè Dadidaa banté wè ò nàkémè o yèmmè kpeti nti, kètǎ nkè bèe náké Fidisitēēbe kpààtìbè ke dò: Dadidaa tu di kǎtoo kè Sānsōō ò nàkémè o yèmmè kpeti.

Kè bèe kɔte kè bè nàké kè bè nkɔroo ke tɔnè idííí bè do yè mbè yóó ò duó nyì.

19 Mémme Dadidaa dòòmè kè Sãnsõõ yè nkéduó o kpèrè ìnkè, kòo duó nkòo nìtì mǎu kēí o yùpǎátí iyiekè. De mǎnnì kòo keté ò bo cǐtemè, kòo wērímuú yè.

20 Kè Dadidaa kuónko ke dò: Sãnsõõ a dootitǎbè Fidisitēēbe tùðkení!

Kòo entení kòo yèmmè ndò nhò bo na képiùrè ò õõ yǐmè. Bá ò í nyé ke dò ti Yiè nKuyie ndèite ku wērímuú o ìnkè.

21 Mémme kè Fidisitēēbe ò pǐ nkékpéké o nuǎ nkóò kònnè Kasaa. Kóò boúnè disǎwũ ò kó mǎfimmè mǎdémè, kòo mbo dikpetíntou miéke, ke fiinko dinà.

22 Kè dèe mǎntoo kòo yùtì wēte kéketé tì bo yènnímè.

### *Sãnsõõ pèitemè o dootitǎbè mǎsǎmmè ke ku*

23 Diyie mari kè Fidisitēēbe kpààtibèe tíí nke bo fié be bǎò Dakõõ kè dè ñdò ndibanni dieri, kè bè ndiè nke tú:

Ti kó dibǎò Dakõõ wèe ti dǎeténè ti dootitǎu Sãnsõõ, ke duó nkè ti ò pǐ.

24 Ke nwúó mbe bǎò ke di sǎntí ke tú: Ti kó dibǎò ti dǎeténè ti dootitǎu, wèe do ti puǎ nke ti kǎu.

25 Bè mǎ mbomè dibanni miéke nke kè dè bè naati, nè de kpéí nkè bè dǎ bèe tǎní Sãnsõõ, kòo yàa ndǎari mudaá nkperè. Kè bèe kɔte dikpetíntou, kétǎní Sãnsõõ, kétuǎkení kè bèe ò tannè bè bo dǐi tou miéke, yǎsǎnkè borè. Kòò ndǎari mudaá nkperè be ìlkè.



26 Kè Sānsōō náké dedapùmbire dèè ò dèri ke dò: N kòtenè ditou kó yesānkè borè kè n yè kàáké, n dó kédírímu.

27 Benitibè beè do píéké de kó ditou miεke, benitidaabè nè benitipòbè, kè Fidisitēēbe kpààtibè bemou de bo. Benitibè bèè kòtení muwéimù, kè bè bo kudànkù. Bè bo ntùòke sikòupísitàāti (3000), benitidaabè nè benitipòbè.

28 Deñde Sānsōō kuónnèmè Ti Yiè nKuyie nke dò: Ti Yiè nKuyie n da báammu a bá m bōnko, wēte ké n duó mmuwērímú dimònni dimáà, kè m peite n dootitòbè Fidisitēēbe bè kpèké mèè kpéí n nuò.

29 Sānsōō me nyí kédeè kébautè yesānkè yèdé de cuokè kpεye yèè tò ditou, ké yè didóo kékòtinné dii nho bakù you, diteri kucànkù,

30 kébéi nke dò: Kè n kunè Fidisitēēbe dè n sànnè.

Ò me nyí káfukii nè o wērímú mumou yesānkè kè ditouu do kényāke Fidisitēēbe kpààtibè nè benitibè bèè kó dimáà dè bo. Ò wēnné nè bèè nìtibè ke ku, kè bè nsū kéréēté ò do kùò bè ò kpaá fòu dii mōnni.

31 O tebíi nè o naàmùnkù kòbe bemou kè bèè kòtení kòò tùóté kékò nkékūnné o cice Mandoa fōti, Sodaa nè Esetaodi de cuokè.

Sānsōō do baké Isidayεeribe ke dò yεbie nsipísidé ndi.

## 17

### *Mikaa dòdmè sitenkaanì ke nsì báá*

<sup>1</sup> Onitì mòu weè do bo Efadaimmu tempē nditāri ñnkè, kòo yètìri tu Mikaa.

<sup>2</sup> Diyèè marì kòo náké o yō ke dò: N yō a kpaá yé bè sòò da yùúkùmè medítíbiì tekòupííítè nè tepíítè

(1010) kàa ntú de yiè mbo yà, yáa ba? Mfi do ì tùóté n kpaá ì tǝmu.

De mǝnni kòo yǝ dǝ: M bire ti Yiè nKuyie ndá dǝdǝ mǝsǝdǝ.

<sup>3</sup> Kòo ò tǝnné o díítí kòo yǝ dǝ: N do pǝ de kó idíítí ti Yiè nKuyie nku ke ì dǝú nha kpéí nke bo da dǝdǝ tetenkaanitè. Bè yóó ì yìèmmu kéuté kè ìì naá ntetenkaanitè, n yì nda duómmu, nto ì.

<sup>4</sup> Mǝmmǝ ò wǝtemè ké ì tǝnné o yǝ kòo deite mǝdíítíii nsikǝusidé (200) kéduó nhomáátì, kòo ò dǝdǝnè tetenkaanitè ké tǝ dǝri timátì, ké tǝ cǝhné Mikaa cǝtǝtǝ.

<sup>5</sup> Ke sǝ nweè Mikaa mǝke ò kǝrì dè ke báá nti Yiè nKuyie nnè sitenkaanii kǝyíé kédǝdǝ tetenkaanitè tetè nè sitenkaanii sámǝpǝsì, kǝtúóté o bire kédǝdǝ ikuó niùtì.

<sup>6</sup> De kó dimǝnni Isidayǝeribe do í mǝke okpǝàtì, bá wè kòo ndǝari ò dǝmè.

<sup>7</sup> De mǝnni dè do sǝ nDefiibe botí kóo dapàà mmǝù weè bo Betideemmu Sudaa kǝbe cie ke tú opǝdǝ bǝ cuokè.

<sup>8</sup> Kòo íté dǝborè kénwanti dikari kupíkù tekù, kénkérí kǝtuǝke Mikaa cǝtǝtǝ Efadaimmu tempǝ nyetǝrè ñnkè.

<sup>9</sup> Kè Mikaa ò beke ke dǝ: A yènní de? Kòò dǝ: N tú Defii wuǝ nkou nwe, ke iténí Betideemmu Sudaa tempǝ. N wanti m bo mborè nde.

<sup>10</sup> Kè Mikaa ò nǝké ke dǝ: Mbo m borè kǝnaá n cǝtǝtǝ kó ikuó niùtì kè n ní da duó ndibenni kǝũ mmǝdíítíii ntǝpíítǝ, ké nda duǝnnè tiyǝàtì nè tidiitì dè da békú mǝè botí.

Kè Defiibe botí kou taroo,

<sup>11</sup> kǝyie nkémbo Mikaa cǝtǝtǝ, kòo ò dǝdǝ o bire.

12 Kóò dǎ̀ò ikuó nù̀tì, kòò mbo o cǐ̀tè̀tè̀.

13 Kè Mikaa dǎ̀: Di mmà̀nnì n yé̀mu ke dǎ̀ nti Yiè nKuyie mbo n dǎ̀ò mesà̀à nDefii wuɔ̀ nkou mè nnaám̀mè n cǐ̀tè̀tè̀ ikuó nù̀tì.

## 18

### *Danniibe wantimè be kó ketenkè*

1 De mǎ̀nnì Isidayeeriibe do í mǎ̀ke okpà̀tì. Mè̀mè̀ kè Danni botí kǎ̀be nwanti be kó ketenkè, bè bo mborè. Bè mu ndo í mǎ̀ke ketenkè Isidayeeriibe cuokè.

2 Kè bèe tǎ̀áté be botí mièke yekǎ̀mbò yembè bè̀nù̀mmù, kètǎ̀ nSodaa nè Esitaodi ke dǎ̀, bèe kǎ̀te képaatè dihei ké dì yǐ̀tè̀tè̀. Kè bèe kété kètuoke Efadaimmu tempè nditǎ̀rì ìnkè, kèbáté Mikaa cǐ̀tè̀tè̀ borè ke bo yíè.

3 Bè me ntóké̀nèmè Mikaa cǐ̀tè̀tè̀, kè bèe keè Defii wuɔ̀ nkou tammè ké mè banté, kètǎ̀ónko kóò beke ke dǎ̀: We nda tǎ̀ní die? A pǐ̀ mba die? A kó mucǎ̀ntimu tu ò̀mmu deborè?

4 Kòò bè tè̀nné ke dǎ̀: Mikaa weè yè̀ nní mbo o borè ke tú ikuó nù̀tì, kòò n yietì.

5 Kè bè dǎ̀: Tū mbeé nti Yiè nKuyie nkéyà kè kuce ti kéri kù bo ntú kusà̀dkù.

6 Kòò dǎ̀: Kǎ̀tenè ke bá nyǐ̀kù ti Yiè nKuyie nyó ndi bonèmu.

7 Kè de kó benìtibè benù̀mmù pè̀tè̀tè̀ kètuoke Daiisi kénsǎ̀ bèè dè bo bè tuómmu Sidoniibe tēmè, ke kari bá timatì í bè kǎ̀ónnè. Bè í yǐ̀kù dèmarè, ò̀mòu í bè fè̀ũ̀nko, bè me nyí tóké̀nè Sidoniibe. Ò̀mòu do í bè baké.

8 Kè de kó benitibèe wētení Sodaa nè Esitaadi kabe borè kè bèe bè beke ke dò: Dè dònńime?

9 Kè bè dò: Tí katenè ké bè do, ti kòte ke yamu dihei ke sǒ ndi wenni mediè. Bá nkarinè detetirè, bá nħaotínè! Tí katenè ké bè do kéfietè dihei.

10 Kè ti tũ̀koo di bo yà di nitibè tuómme, bá be eì í sénní dè bèkú dèè kó dimàà oniti dèmarè í kpa de kó dihei.

11 Memme kè Danniibe baátí Sodaa nè Esetaadi kэмbo benitibè sikousikuò (600),

12 kékate kébaté Kidiyā-Yeadimmu Sudaa tenkè, deè te kè bè yu de kó dibòrì ke tú: Danni kabe kari, ke me ndè yu nè yíenní, kè dè bo Kidiyā-Yeadimmu eì ìikè.

13 Bè de nyitè kékate Efadaimmu tempē nditāri ĩnkè kētuake Mikaa cǐētè.

14 Benitibè benũmmũ bèè do kòte képaaté Daiisi eì, kè bèe náké be tebìi ke dò: Tetenkaanitè nè sisám̀pòsi nè tetetè tēè dàri timátì deè bo die nteciētè matè mieke. Dũ̀ né yé di dò nkédòòmè.

15 Bè me nyĩ kédeè, kéta Mikaa cǐētè kédou nDefii wuò nkou.

16 De m̀nni kè Danni botí kabe sikousikuò (600) bèè do baátí kè bè còm̀mũ dibòrì.

17 Kè bèe ò dou nkédeè kèpēētè kédeke kudànkũ̀ kéta kudieku kétúótè tetenkaanitè nè sisám̀pòsi nè tetetè tēè dàri timátì. De m̀nni kè benitibè sikousikuò (600) bo dibòrì kè ikuó niùti bo be borè.

18 Kè ikuó niùti yà bè tamè o cǐētè ke tũ̀otè tetenkaanitè nè sisám̀pòsi nè tetetè tēè dàri timátì, kòo bè beke ke dò: Di d̀ori ba dendè?

19 Kè bè dò: Cǐéké ḱyĩ a nuù cǐũ̀, ké tí tũ̀nne kénáá nti botí kuó niùti. A bo ntũ̀mè Isidayeeriibe botí

makù kuó nìùtì, dè í tǔñnè a bo ntúmè tɛɔ̀fɛ̀tè tèmáà kouð?

<sup>20</sup> Kè diwèi pĩ nyikuó nìùtì, kòo túóté tetenkaanitè nè sisám̀pòsì nè tetetè tètè dàri timátì, kékəwərenko ditĩnnì.

<sup>21</sup> Mémme kè bèe pɛ̀ɛ̀tè kəsəwətè be ce kénii nyibí nè iwũɔ̀ nè tinentì.

<sup>22</sup> Mikaa nè o cɛ̀pɛɛtitə̀bè kè bè nyóó bè yà kè bè dèté kè bè mbè bètì.

<sup>23</sup> Kè Danni botí kə̀be keè bè pèikomè kə̀wɛ̀ɛ̀tɛnì káyà Mikaa kóò beke ke dò: Dè dómme? Ba nkó yeùdihure nyɛ?

<sup>24</sup> Kòo bè tɛ̀nné ke dò: Di túóté n tenkaanitè nè sisám̀pòsì nè tètè dàri timátì ke kérínè ke wɛ̀tɛ ke m békú dè dómmaà?

<sup>25</sup> Kè Danni botí kə̀be dò: Yí káyí fíɛ̀ũ, kàa bo yà ti yóó da dò dè! Kàa í yé a kú f́ nnè a cɛ̀tè kə̀be.

<sup>26</sup> Mémme kè Danni botí kə̀be nsəké be ce kè Mikaa banté bè ò kpeñnìnèmmèmu káyóu kékò.

*Danniibe p̀ntemè Daiisi ke maá be èi nè Kuyie ntaummè tou*

<sup>27</sup> Mémme Danni botí kə̀be təmè Mikaa nentì nè wèè do tú o kó ikuó nìùtì kə̀pɛ̀ɛ̀tɛnè, kékəwə kédò Daiisi èi kékəwə di nìtìbè bèè do kari ke tuó nke í yíèkù, kèdeè kécú ndihèi.

<sup>28</sup> Bá òmòu í mbè dɛɛtè ke yé bè do í tókénèmmè Sidonni, òmòu me ndo í bè baké. Bè do bo Beti-Deəbu biriku nku. Kè Danni botí kə̀be bè p̀ntɛ kémaá be èi,

<sup>29</sup> ké di yu ke dò: Danni. Be yà̀rì wèè do te de kó diyètìrì, Sakəbu bire marè kó diyètìrì do ndi.

<sup>30</sup> Kè Danniibe fíi ntetenkaanitè kè Mə̀yiisi bire Kedisəmmu bire Yonnatāã ntú ikuó nìùtì kəsəwətɛnè

be kó ibíó kētuakenè be dootitabè bè pīrmú dìi m̀nni ke k̀nnè.

<sup>31</sup> Bè do fīmmu Mikaa do d̀ò t̀è tenkaanitè ké ntè m̀ke Kuyie ntaummè tou do bo ỳè m̀rè Sidoo.

## 19

### *Bensamεε botí kabe do d̀ò ù s̀ke*

<sup>1</sup> De m̀nni Isidayeribe do í m̀ke okpààti, k̀o niti m̀u mbo Efadaimmu tempε nditari ĩnkè kó dihei, dìi d̀tirinè yeteyè. Ò do tú Defiibe botí kou nwe ke d̀ bo, k̀tútótè o pocēnni mari Betideemmu Suda botí mieke.

<sup>2</sup> Nè di k̀ bèε kra, k̀ dìi ò ỳu k̀kò ndi cice cīètè k̀mbo ke d̀ betààbè bènàà.

<sup>3</sup> K̀o d̀u ù ité k̀tūnne ke bo ò bámmú k̀ bèε k̀, k̀tútótè s̀mmarímúbè bèdébè k̀o k̀o t̀nti ò nainè k̀ bèε tuakoo, k̀o pocēnni ò tanné di cice cīètè, k̀o ò c̀uté nè diwèi,

<sup>4</sup> k̀duó nk̀o mbo o cīètè mieke, ke d̀ yewe ỳtāāti. Nè o k̀o t̀nti k̀ bèε nyo nke ỳ nke d̀u.

<sup>5</sup> Dyiè naanni yiè k̀ bèε ité dikūnweñi ke d̀, bèε bo k̀ nk̀o c̀k̀u yete ke d̀: Karinè k̀di k̀pété muwērimú ke né na k̀kété.

<sup>6</sup> K̀ bèε karoo k̀ bèε wēnné k̀di k̀yà, k̀deè, k̀o dapàà nc̀k̀u ò nàké ke d̀: Tútótè m̀fié k̀yíé k̀yie ndiε nk̀a ỳmmèε cáté.

<sup>7</sup> K̀o nd́ k̀kò nk̀o c̀k̀u yetoo k̀o ỳu ke ỳi k̀yíé.

<sup>8</sup> Dyiè nummuri yiè k̀ d̀ nkpaá uu dikūnweñi s̀i k̀o báátí ke bo k̀ nk̀o c̀k̀u yete ke d̀: Kari k̀di, kuyuoku ke né k̀tété.

Mεmε k̀o kari k̀ bèε wēnné k̀di.

9 Bè di dìi m̀ǹǹni ke deè k̀o ndó k̀étúóté o pok̀u nè o t̀nt̀nt̀i k̀è b̀èe k̀ò, k̀òo c̀òk̀u ò ǹàk̀é ke d̀ò: Diyiè die nke deè k̀è d̀è biiri, túóté m̀efiè nkéduó die nkàa yèmmèe c̀áté, k̀è d̀è nkpaá uu k̀àa k̀ò.

10 De m̀ǹǹni odap̀àa m̀me nténke í nyie nke bo nkpaá, k̀étúóté o pok̀u nè o s̀āmmarímúbè bedé, k̀éboú tinent̀i de ìnkè, k̀énk̀erí k̀étuòke Sebusii, dihei bè tu dì di m̀m̀ǹǹni Sedisademmu.

11 Bè t̀ùòk̀oo dìi m̀ǹǹni dihei ke s̀ó ndiyiè deè, k̀òo k̀óo t̀nt̀nt̀i ò ǹàk̀é ke d̀ò: Tí k̀ate Sebusiibe cie k̀éyié.

12 K̀òo yete ke d̀ò: Ti báá k̀ate dihei mari Isidayeribe í bo dì. Ti p̀èèté k̀ék̀ate Kibeá.

13 Tí yetoo k̀étuòke Kibeá yoo Damaa, yèè ekè k̀ó d̀imari ndi ti d̀ò nkéyiémmè.

14 K̀è b̀èe s̀oté be ce, k̀è diyiè nyóó ta k̀è bè t̀ùòk̀oo Kibeá, Bensamèe botí k̀obe cie.

15 Bè t̀ùòk̀oo dìi m̀ǹǹni dihei k̀éta ke bo yié nKibeá k̀ebáté, k̀énkari yaárè, òm̀òu me nyí mbè yu k̀è bè bo ta o c̀f̀ètè.

16 K̀è bè ns̀ó nhodakóti m̀òu k̀ūntiní kupaku, o cie do bo Efadaimmu temp̀e nditāri ìnkè nke, k̀òo k̀òtēní ke bo Kibeá Bensamèe k̀obe cie.

17 K̀òo yà op̀òò k̀òo k̀ari yaárè, k̀òo ò beke ke d̀ò: A yènní de? A k̀ari ke?

18 K̀òo ò t̀énné ke d̀ò: Ti bonní Betideemmu nwe Sudaá botí k̀obe cie, ke k̀ūnti Efadaimmu ditāri ìnkè, dihei dìi í t̀ók̀énè yeteyè. N do k̀ate Betideemmu nwe, ke k̀ūntiní òm̀òu me nyí n yu k̀è m bo yié nho c̀f̀ètè.

19 M me ntomu timúti n s̀āmmarímúbè kpéi nke m̀òke p̀éè nè menaà mmí nnè m pok̀u nè n k̀óo t̀nt̀nt̀i ti kpéi, d̀èmarè í ti d̀ónni.

20 Kòo dakótì d̀̀: Diwèi nda bonè, m̀i yóo da duó ndè da békú dè, a báá yíè nyaáre.

21 Ò yĩ memme, kóò tanné o cĩ̀tè kédúó ntimúti sãmmarímúbè kédèè kè bèè óú be naàcèi, kédì káyã.

22 Bè kpaá me nyo nnè diwèi, kè diheì kó itookperí yembèè katení, kécè̀tè təcĩ̀tè, kébente dicàù, kénáké odakóti təcĩ̀tè yìè nke d̀̀: Dennení onitì wèè ta a cĩ̀tè, ti d́ kóò duónèmu.

23 Kòo dakóti yenní kè bè nàkè ke d̀̀: N kabe báá d̀̀onè meyi memme kó kubotí. Báá d̀̀onè isòke inyi, nkóo p̀̀dè nwe.

24 M m̀ake osapàà mbá ò mu nyí yé onitid̀̀ù, m bo wè ndi duó nkè dí d̀̀onè di dómè. Di báá d̀̀onè onitì yìè nyisòke kperè.

25 Dè kó benitibè í ndó kèkèè. Memme kè Defii wuò nkouu dennení o pokù, kè bèè ò pĩ̀nnè muwèrímú, kényiè nkoò duónè keyènkè kemou, kóò fĩ̀nkoo kukũwentóo.

26 Dikũwewnì kòo nitipòkùu kate odakóti cĩ̀tè o d̀̀u bo tèè mièke kédoroo kéndúó kè diyìè yàa yennènní.

27 Dè wenté dìi m̀nni kòo d̀̀u yenní ke bo sòtè o ce, kénsó nho pokù duó dibòri ke cã̀nko, kòo nou daké dibòri.

28 Kòò d̀̀: Ítè kè tí pè̀tè!

Kòo ndúó kécĩ̀kè kòo ò t̀̀oté diciri kédáa nho sãmmarímú ìnkè, kèpè̀tè kékò nho cie.

29 Ò t̀̀ke dìi m̀nni o cie, kétúoté disìè kékéétè ocũ yekékè təcĩ̀tè nè yèdèè, kédúó nyIsidayeeribe botí bá kù dikèè dimáa.

30 Bèè kó dimáa dè yà kè bè nnaá nke tú: Ti mu nyí yà diè mbotí ti me nyí dè kèè nè Isidayeeribe



yènnímè Esibiti. De kó tináaàntì dò nti tì wèrítému kèyà ti bo yĩmè.

## 20

*Isidayεεribε dokénè m̀ Bensamεε botí k̄abe ke bo peite*

<sup>1</sup> Kè Isidayεεribεε wēnné bεmou kétíi mMisipaa ti Yiè nKuyie nyìlkè kétéúóté Danni tenkè kētuòkenè Bεεrisebaa, kētuòkenè Kadaadi kòkoo.

<sup>2</sup> Kè ti Yiè nKuyie nkó benitibè Isidayεεribε botí imou nè be kó bekótibè kè bèe tíi nditĩnnì, kémbou sikoupi kòòsìnàà (400000) bèè nò mmudòò.

<sup>3</sup> Kè Bensamεε botí k̄abeε keè Isidayεεribε tíimmè Misipaa.

Kè Isidayεεribεε beke ke d̀: Ti náké de kó meyi mpéitè mèè botí?

<sup>4</sup> Defiibe wuò kou bè kùò wèè pokù, kòo bè tḗnné ke d̀: N sòò t̀ò̀kení Bensamεε temp̄ nku Kibea, mí nnè m pokù kè ti ndó kèyíé.

<sup>5</sup> Kè Kibea èi k̄abeε k̄atení kécéēte m bo t̀èè c̄it̀èè keyènkè kéndó ké n kuò, kéduónè m pokù muwērímú ke tonté kòò kùò.

<sup>6</sup> Kè m me nhò tuóte ke kéké, ke totí Isidayεεribε tenkè duò ke mamè. Ke yé bè d̀òòmè meyi ndiemè mme isake Isidayεεribε cuokè.

<sup>7</sup> D́indi Isidayεεribε di tímmu die ndimou. Nákenè kèyà di bo yĩmè.

<sup>8</sup> Kè bèe wēnné bεmou ke d̀: Ti kóo maù í kũnti ke bo ta o fii yoo o c̄it̀èè.

<sup>9</sup> Ti yóò do Kibea k̄abe mudoò mmu. Tí tāũnnè t̀t̀é.

<sup>10</sup> Isidayεεribε botí imou miεke kè benitibè bo tekòùtè (100) tí deite tepítè, kè bè me mbo tekoupiítè

(1000) tí deíte tekòùtè, kè bè bo tekòupírípítè (10000) tí deíte tekòupírítè (1000), bèè yó nwaànní tidiitì ke duò mbèè kàri ke bo do Kibeá kèpeíte Bensamèe botí kàbe dḍò ìi sàke Isidayeeriibe cuokè.

<sup>11</sup> Kè Isidayeeriibe wēnné dinùù òmáà ke bo kote kédò Kibeá.

<sup>12</sup> Kè Isidayeeriibe botí imòu kàbe tḵ nkè bèe náké Bensamèe botí kàbe ke dḍò: Yé dè yīmè kè di dḍò isàke ìi mbotí di cuokè?

<sup>13</sup> Tí duónnè Kibeá eì kó itokperi yembè, kè ti bè kùò, kédèite meyi nyIsidayeeriibe cuokè.

Bensamèe botí kàbe me nyí nyie nke kènté be tebìì Isidayeeriibe nàà ntì,

<sup>14</sup> kèwēnné be ekè yemòu kətíí nKibeá, ke bo dokénè Isidayeeriibe.

<sup>15</sup> De yiè kéwáá mbèhāpòmbè sikòupírísìdé nè sikòupírísìkùò (26000) be ekè teyè kàbe kémbúútí Kibeá eì kàbe, bèè nò mmudòò mesàà nkè bembè mbo sikòusiyiekè (700).

<sup>16</sup> De kó bèhāpòmbè bèmòu kè yecànkuyè mbo sikòusiyiekè (700) ke nò mmudòò mesàà. Bá kè kuyùrikù bo kumáà kòò dooté ditári ò báá kù nḍò.

<sup>17</sup> Isidayeeriibe kó ditīnnì kè bembè me mbo bèhāpòmbè sikòupíkòùsìnàà (400000) bèè na mudòò ke deè.

<sup>18</sup> Kè Isidayeeriibe kote Betèedi ke bo beé nti Yiè nKuyie nkéyà bè botí mieke kùù dḍò nkéniitè kè bèe kote kédokénè Bensamèe botí kàbe. Kè ti Yiè nKuyie ndḍò: Sudaa botí kàbe bèè dḍò nkéniitè.

<sup>19</sup> Kè Isidayeeriibe báátí dikūnweñnì sèi kékote kébáté Kibeá také.

<sup>20</sup> Mèmmè bè pènnémè Bensamèe botí kàbe kudookoti Kibeá borè.

21 Kè Bensamεε botí kàβεε yenní kέpoté Isidayεεribε, kέkuò sikòupírísidé nè sikòu sidé de yìè (2200).

22-23 Kè Isidayεεribεε kàτε ti Yiè nKuyie nyìkè, kénkuò nnè kuyuokoo ke kù bekù ke bo yà kè bè bo wēτε kέyíé dokénè be tebí Bensamεε botí kàβε. Kè ti Yiè nKuyie ndò: Εε bèε kàτε. Kè bèε wēτε kétúóté tikònyauti kέpénné kudookòti bè baa wee kù pénné dè,

24-25 kέwēτε kέdo Bensamεε botí kàβε mudoò, kè Bensamεε botí kàβεε yenní kέpoté Isidayεεribε kέkuò behāāpòmbè tekòupírítè nè sikòupírínì (18000).

26 De mònni kè Isidayεεribε beμου kàτε Betεedi kénkari ti Yiè nKuyie nyìkè ke kuò nke bou dinùù nè kuyuokoo, ke kòu ti Yiè nKuyie nyiwūō ke tuò, ke ku kòu itei metaummè kpeyi.

27-28 De kó dimònni dè do só ti Yiè nKuyie ntaummè tou de mbo kè Anò birε Edeasa kó debire Pinasi weè di baa kè Isidayεεribε beé ti Yiè nKuyie nke bo yà bè bo wēτε kέdokénè be tebí Bensamεε botí kàβε yoo be bo yóu. Kè ti Yiè nKuyie mbè nàké ke dò: Kàτεnè nanke n yóó duó nkè di bè namu.

29 Memεε kè Isidayεεribεε oo mbehāāpòmbè Kibeá kέfité.

30 Diyiè tāānni kè Isidayεεribεε do Bensamεε botí kàβε mudoò, bè baa òó máá dè Kibeá eì ìkè.

31 Kè Bensamεε botí kàβεε yenní kéndokùnè Isidayεεribε, kédéténè dihei, ke tó keté bè bo mbè kòùmè bè baa òó yīmè yewe teyè, kέkuò benitibè sipísitàāti Betεedi nè Kibeá de kó ice ìnkè.

32 Kè be yèmmè ndò mbè to namu Isidayεεribε, bè òó bè na mèè botí. Ke yé ba? Kè bè dó kέ bè yūómmu

kédéténè, ké bè tanné Kibea kpáà miéke.

<sup>33</sup> Mèmmè kè Isidayeeribe tírèè wěnné kémáá Baadi-Tamaa bèè do oke diheì také kè bèè ootení Kibea biriku bíékè.

<sup>34</sup> De mǎnnì kè Isidayeeribe kó behāāpòmbè bèè nǎ mmudoò mesàà nkè bèè tuakení Kibea borè, ke bo tekaurípíítè (10000), kè mudoò binté, Bensamèe botí kǎbe me nyí ndake ke dò ndè yóó bè di.

<sup>35</sup> Kè ti Yìè nKuyie mbè ānné Isidayeeribe nǎu miéke, kè bèè kuǎ de yìè behāāpòmbè sikaurípíísidé nè sikaurísìnùmmù nè tekòùtè (250100).

<sup>36</sup> De mǎnnì kè Bensamèe botí kǎbee banté bè bè namèmu.

Kè Isidayeeribee bè yóu, ke yé bè támmè be kǎbe bè do òo mbè Kibea také.

<sup>37</sup> Bèè do oke kè bèè ootení mecāā nkédo diheì kékua benitibè bemǎu.

<sup>38</sup> Bè me ndo nàkému nè Isidayeeribe tǎbè ke tú bè bo yà kuyukú nku diheì kébanté bè dì domè.

<sup>39</sup> Bensamèe botí kǎbe yà diì mǎnnì Isidayeeribe bótiirimè, kékua benitibè sipísitāāti kè be yèmmè ndò mbè tó bè namu yewe teyè kǎme.

<sup>40</sup> De mǎnnì ndi kuyukú fīnnémè diheì, kè Bensamèe botí kǎbee wěēte kénsó mbe ei Kibea diì pī mmuhāā nkè kuyukú fī.

<sup>41</sup> Mèmmè kè Isidayeeribee wěēte kécuó mBensamèe botí kǎbe, kè kufōwaá mbè auté, ke yé bè yàmè meyei mmèè bè do.

<sup>42</sup> Kè bèè coké Isidayeeribe kéwetínné dikpáà, kè bè mbè bèti, bèè iténì diheì bíékè kè bè nkérínì, kè bèè bè soó nde cuokè ké mbè puoti ke kǎu.

<sup>43</sup> Kè Isidayeeribee cēēte Bensamèe botí kǎbe ké bè fěnné ké mbè kòùtì, ke yàa tuakenè Kibea diyìè yìèní

kèè bíkè bá bè í mbè yóu kè bè bo wei.

<sup>44</sup> Mèmmè kè bèè kuò Bensamèe botí kó behããpòmbè yekòmbò yembè mǎà tekoupirípítè nè sikoupirísini (18000).

<sup>45</sup> Kè besombèe coké kénwetí ditāri Dimòò, kè bèè ninte sikoupirísinnùmmù (5000) kékuò, késòoté kémbetì besombèe kétuòkenè Kidommu kényíe kékuò sikoupirísidé (2000).

<sup>46</sup> Bensamèe botí kòbe kó behããpòmbè bè kùò bè de yìè, bemòu bè do bo sikoupirísidé nè sikoupirísinnùmmù ndi (25000) yekòmbò yembè mǎà.

<sup>47</sup> Bèè do coké kénwetí ditāri Dimòò be mièke kè sikousikuò (600) na kényenté, kétuòke di borè ké ndè bo ke dǎ betǎǎbè bèndà.

<sup>48</sup> Kè Isidayeeribee wẽẽte Bensamèe botí kòbe bèè kpáá de bíkè ké mbè tũ mbè bo yèè ekè mièke ke kòu, ke kòunè be wũò, ke còunko yehèkè be tempè nkumòu mièke.

## 21

### *Bensamèe botí wète ke ketémè*

<sup>1</sup> Isidayeeribe do tí ndì mònñi Misipaa képarìkèmu ke dǎ, be mièke òmòu báá duó nho kóo sapáà mBensamèe botí kou kòo puòke.

<sup>2</sup> De mònñi kè Isidayeeribee kòte Betèedi, kéntũũ nke kari ti Yiè nKuyie nyìkè nè kuyuokoo, ke kuò ntingnièti.

<sup>3</sup> Kè náá nke tú: Ti Yiè nKuyie mba nkprí nte Isidayeeribe botí mièke kè kùmakù kpánné?

<sup>4</sup> Kè dè nkpaá uu kè Isidayeeribee íte kémaá diwũòtànñi ti Yiè nKuyie nkprí, ké kù fié iwũò kétuò, ké nkù feu itèi metaummè kpèyi,

5 kɛ̀bɛkɛ bɛtɔ̀bɛ kɛ̀ dɔ̀: Ti botí miɛkɛ kùmakù bo kùù sòò í bo ti tíkú dɛ̀ Misipaa?

Kɛ̀ yɛ̀ bɛ̀ sòò nàkémɛ̀mu kɛ̀ dɔ̀: Kɛ̀ wɛ̀è í kàtɛnɪ̀ dɛ̀ kó metíímmɛ̀ bɛ̀è ò̀ kùù.

6 Kɛ̀ mɛ̀sɛ̀mmɛ̀ bɛ̀ pĩ̀ mbɛ̀ tebìì Bɛ̀nsamɛ̀ɛ̀ botí kɔ̀bɛ̀ kɛ̀rɛ̀í nkɛ̀ bɛ̀ nnáá nkɛ̀ tú: Isidayɛ̀ɛ̀ribɛ̀ botí makù dɛ̀ɛ̀mu mɛ̀mmaà?

7 Ti bo yĩ̀mɛ̀ náke bɛ̀è na kɛ̀ yɛ̀ntɛ̀ mudoò miɛkɛ̀ kɛ̀ bɛ̀è pɛ̀tɛ̀ bɛ̀ pobɛ̀? Ti sòò pàrikɛ̀mu ti Yiè nKuyie nyìkɛ̀ kɛ̀ dɔ̀: Ti kóo mɔ̀ù báá duó nho kóo sapàà mbɛ̀ kóo mɔ̀ù kòo puokɛ̀.

8 Kɛ̀ bɛ̀è bíékɛ̀ bɛtɔ̀bɛ̀ kɛ̀ bo yà bɛ̀ botí miɛkɛ̀ kɛ̀ kùmakù bo mbo kùù sòò í kɔ̀kɛ̀ bɛ̀ tìì ndɛ̀ Misipaa ti Yiè nKuyie nyìkɛ̀, kɛ̀nsó̀ nKadaadi tempɛ̀ mmiɛkɛ̀ Yabesi ɛ̀ì kɔ̀bɛ̀ sòò í bo dɛ̀ kó metíímmɛ̀.

9 Kɛ̀ bɛ̀è batɛ̀ bɛ̀è sòò kàtɛnɪ̀, kɛ̀ í nyà Kadaadi tempɛ̀ nYabesi ɛ̀ì kou mɔ̀ù.

10 Bɛ̀è sòò bo dɛ̀ kó metíímmɛ̀ kɛ̀ bɛ̀è dɛ̀itɛ̀ yɛ̀kɔ̀mbò yɛ̀mbɛ̀, kɛ̀ bɛ̀ mbo tɛ̀kɔ̀upíítɛ̀ nɛ̀ sikɔ̀usidɛ̀ (12000), kɛ̀ bɛ̀è bɛ̀ tɔ̀ ndɛ̀ kó diɦɛ̀ì kɛ̀ bɛ̀ nàkɛ̀ kɛ̀ dɔ̀: Kàtɛnɛ̀ Kadaadi tenkɛ̀ nYabesi ɛ̀ì kɛ̀kuɔ̀ di nìtìbɛ̀ nɛ̀ bɛ̀nitipòbɛ̀ nɛ̀ ibí.

11 Dí kuɔ̀ bɛ̀nitidaabɛ̀ nɛ̀ bɛ̀nitipòbɛ̀ bɛ̀è yĩ̀ɛ̀tɛ̀ bɛ̀nitidaabɛ̀ kɛ̀súó mbɛ̀sapàmbɛ̀ bɛ̀è mu nyí yĩ̀ɛ̀tɛ̀ bɛ̀nitidaabɛ̀.

12 Kɛ̀ bɛ̀è pɛ̀tɛ̀ Kadaadi tenkɛ̀ Yabesi ɛ̀ì miɛkɛ̀ bɛ̀sapàmbɛ̀ sikɔ̀usìnàà (400) bɛ̀è mu nyí yĩ̀ɛ̀tɛ̀ bɛ̀nitidaabɛ̀. Kɛ̀ bɛ̀ kàtɛnní Sidoo Kannahãã, bɛ̀ borɛ̀.

13 Dɛ̀ kó difɔ̀nkúò bɛ̀è sòò bo bɛ̀ tìí ndɛ̀, kɛ̀ bɛ̀è tɔ̀ mbɛ̀nìtìbɛ̀ Bɛ̀nsamɛ̀ɛ̀ botí kɔ̀bɛ̀ bɛ̀è sòò ɔ̀kɛ̀ kɛ̀sɔ̀rì ditã̀rì Dimɔ̀ bɛ̀ borɛ̀, kɛ̀ bo bɛ̀ wammúnɛ̀ mɛ̀taummɛ̀.

14 Kè Bensamεε botí kabe wεte kékonní mecãã nkè bèe bè duó mbesapàmbè, bè kùo Yabesi εì kabe ke sùo mbè. Bè me nyí mbè cètine.

15 Kè mesémmeε pĩ nyIsidayεeribe Bensamεε botí kabe kpéi nke yé ti Yiè nKuyie ndo duómme kè de kó kubotí fòtìrìi feité Isidayεeribe botí mieke.

16 Kè Isidayεeribe tĩnnì kó bekótìbè dò: Benitipòbè ténke í bo Bensamεε botí mieke. Ti bo pété de benitipòbè kéduó mbèè yenté mudoò mieke?

17 Bensamεε botí mieke bèè yenté be fuku dò nkésòtému. Kè dèe yíé nkè de kó kubotí báá kú Isidayεeribe botí mieke.

18 Ti me nyí yóó na ké bè duó nti kó besapàmbè kè bèe puoke. Ti sòò pàrikè mèè kpéi nke dò: Ti mieke kè wèè bè duó nho kóo sapàà nti Yiè nKuyie nhò cõõ.

19 Kè bè dò: Ti Yiè nKuyie mbanni ò mme mbomè bá dìi benni Sidoo Betεedi bakù you kuce kùu kòrìnè Betεedi nè Sisemmu ku kó diyìè yìèní kèè bíékè Debona bakù cãku.

20 Mεmme kè bèε tié mBensamεε botí kabe ke dò: Kòtenè kénsòri fínyì kó depaa mmieke,

21 kénwéí, kè Sidoo εì kó besapàmbè yènní dìi mòmni ke kòri tihauti di íténí, bá wè kòo pĩ nhosapàà nhòmáà kè di kòmne képuoke.

22 Be cicebè yoo be tãbè kè bè ti sònkénní dikpànni, ti bo bè nàké ke dò: Bè di kuó mmesémme ke yé ti í namè ke pèténí besapàmbè Yabesi εì kè bè di cètine. Bèè me nyí yóó di duó mbe kó besapàmbè ke bo nyĩkù bè bo yĩme bè yeténè dinùù bè do dounnè di ti Yiè nKuyie.

23 Mεmme kè Bensamεε botí kabeε tũnne bè bè duó nyì tié Sidoo kó besapàmbè yènní dìi mòmni ke bo

kote tihauti, kè bèe pĩmmú besapàmbè dè bè bèkú  
mèè botí kékònnè kémaá be eì kénkari.

<sup>24</sup> Kè Isidayeeribe sàmbèe cíété, bá wè kòo kote o  
botí kàbe borè, nè o naàmùnkù kàbe. Bá wè kòo mbo  
o tenkè.

<sup>25</sup> Dè kó dimònnì Isidayeeribe do í màke okpààtì,  
bá wè kòo ndòari ò dómè.



**Bibiri Kuyie Nnààntì Pátírì**  
**The Holy Bible in the Ditammari language of Benin**

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

---

PDF generated using Haiola and XeLaTeX on 18 Apr 2025 from source files dated 31 Aug 2023

5e2d0f12-f1d8-567b-bf98-cf1de4599d16